

29036



16364

重修洛陽縣志卷之一

天文 分野 次舍 鹿屬 占候



傳有之天道遠天故難言哉後代言天之家無所不貫類以星辰宿離為紀躔次分野遲疾伏見各著事應因以察祲祥考得失歷有驗也司土者有意勤民其於垂象之符得無惕惕歟志天文

分野

周禮保章氏以分星觀妖祥後世因之星經云十二月次乃日月所會之處日月一歲十二會故有十二次十二分野即辰次所臨之地也在天為十二辰十二次在地為十二國十二

洛陽縣志

卷之一 天文

州

柳七星張三河 史記天官書

周地柳七星張之分壑也今之河南雒陽穀城平陰偃

師鞏緱氏是其分也 漢書地理志

柳七星張周三輔宏農入柳一度河南入七星三度河

東入張一度河內入張九度 魏太史令陳卓

柳在輿鬼東又接漢源當商洛之陽接南河上流七星

係軒轅得土行正位中央象也河南之分張藎陽漢

東與鶉尾同占 唐天文志



初柳七度餘四百六十四杪七少中七星七度終張十  
四度北自榮澤榮陽並京索暨山南得新鄭密縣至外  
方山東隅斜至方城裕州抵桐栢北自宛葉南暨漢東盡

漢南陽之地又自雒邑負北河之南西及函谷逾南絕

盡宏農以淮源桐栢東陽為限即古成周號陝州鄭管鄆

新鄭東號汜水密滑偃師焦陝唐申南鄧之墟同上

西京陸渾函谷偃師河鞏陽人南陽屬周野宋天文志

午宮柳星張三宿屬周三河象古通考○按南方朱雀

曰星第五曰張柳之屬為酒旗星之屬為軒轅為天  
相為天稷張之屬為內平為長垣為天尊為少微為

洛陽縣志 卷之一 天文

二

天廟明史天文志張宿中之天廟十四星古有今無

○舊志三河河南河東河內也周自東遷河東河內

皆畿內地不獨河南也左傳鄭取温之麥周鄭交惡

河內之屬周畿瞭然矣又何疑於河東耶至戰國時

河東河內割據於韓魏則三河名存而實亡故漢唐

宋志分野者于午宮屬之周所分在荆以北河以南

一帶而河內則分之并衛河東則分之魏益自是午

宮專屬於河南則河南之分柳星張彭彰明矣至洛

陽的屬七星而柳為近之若張又屬南陽一帶前志

為河南之分輒以宋屬之者誤也○通志三河之域

于河南府為洛陽鞏偃師孟津新安澗池宜陽登封

嵩承寧于陝州為盧氏閿鄉靈寶于鄭州為滎澤滎

陽河陰汜水于禹州為密新鄭于南陽府為南陽鎮

平泌陽唐鄧州內鄉淅川裕州葉

舞陽于汝州為魯山郟寶豐伊陽

周分三河起柳四度止張十四度明大統歷○武進唐


獻圭識七家分星異

同譜云屬分柳星張劉歆三統歷存自柳三度至  
 十二度費直說周易云起柳三度蔡邕月令章句  
 費同陳卓景初歷自柳九度至張十六度皇甫謐  
 紀自柳九度至張十七度一行大衍歷初柳七度徐  
 四百六十四秒七少中七星七度終張十四度明  
 元人授時之舊推分宮度大統歷特為精密又按明  
 史天文志作止張十五度○舊志周宅中土而柳星  
 張乃次于南何以柳星張為周分蓋分野者指列宿  
 所屬之分而言也周禮以星土辨九州之地鄭氏謂  
 星土星所主土是也國在此而星則在彼唐僧一行  
 有言星土以精氣相屬而不存乎方隅地有水火木  
 金土之形天有水火木金土之星一形一象交而精  
 氣自屬非如地在北而分星之在天者亦居北地在  
 南而分星之在天者亦居南也○愚按北斗天樞在  
 張宿十度而不與張宿同分周  
 楚此亦以見分野之未可泥矣

河南之河南府陝州俱柳分  
明史天文志○按此與舊志微異宜以明史為正

洛陽縣志 卷之一 天文


柳宿圖



爾雅味謂之柳孝經  
 章句柳天庫也一日  
 天厨南官候柳天府  
 也一日天相一日天  
 大將軍一日注隋丹  
 元子步天歌柳八星  
 頭曲垂似柳近生三  
 星號為酒宴享大醮  
 五星守○柳在黃道  
 外十二度冷西歷增  
 星一




星宿圖



洛陽縣志

卷之一 天文

張宿圖



律書陽數成於七故曰七星天宮書七星頭為員宮南宮候一日天員天府也一日天都黃帝占一日天庫一日天御府步天歌星七星如鉤柳下生星上十七軒轅形軒轅東頭四內平平下三個名天相相下稷星橫五靈○星在黃道外二十一度少增一星

律書張者言萬物皆張也南宮候一日天儀一日御府寶齊伯曰張為周庫又為都官孝經章句張為相其西四星四輔也步天歌張六星似軫在星旁張下只是有天廟十四之星冊四方長垣少微雖倚上星數倚在太微傍天尊一星直上黃○張在黃道外二十六度半今西歷增五星

次舍

按凡星一度二千九百三十二里七十一步二尺四寸四分居之曰次日舍守犯合闕遲

留伏逆必於斯考之

南方赤帝其精朱鳥為七宿井首鬼目柳喙一作味星一作啄

頸張嚙翼翻軫尾

宋中興天文志

星鳥之度一百一十為鶉首鶉火鶉尾之次當未午巳

之辰

星經○宋兩朝天文志柳宿之度半在鬼宿東南距西第三星去極八十二度半酒旗三星距

西北星去極七十七度入柳宿十四度星宿在柳東南距大星去極九十六度軒轅十七星距大星去極

七十五度入張宿二度內平四星距西星去極五十二度入張宿六度天相三星距北星去極九十五度

入星宿六度天稷五星距大星去極一百三十七度入柳宿十三度張宿在軒轅首下太微垣西南距西

各陽縣志

卷之一

天文

五

第二星去極一百二度天廟十四星距西北星去極

一百十三度半入柳宿十三度長垣四星距南星去極七十六度入張宿十四度少微四星距東南大星

去極六十五度半入張宿十五度半○王奕曰師曠禽經鶉鳳也赤鳳謂之鶉蓋鳳生于丹穴鶉又鳳之

赤者故南方七宿取象焉○朱子辰天壤也每一辰各有幾度日月所會是謂辰注云一歲日月十二會

所會為辰十一月辰在星紀十二月辰在元枵之類是也然此特在天之位耳若以地而言之則南面而

立其前後左右亦有四方十二辰之位焉但在地之位一定不易而在天之象運轉不停惟天之鶉

火于地之午位乃與地合而得天運之正耳

柳為鳥喙星為頸張為嚙故摠謂之鶉火

同上

鶉首秦也鶉火周也鶉尾楚也

鄭司農周禮保章氏註

自東井十六度至柳八度為鶉首之次 自柳九度至



張十六度為鶉火之次 自張十七度至軫十一度

為鶉尾之次 後漢書郡國志 井九度至柳三度鶉首之次也

柳四度至張十五度鶉火之次也 張十六度至

軫九度鶉尾之次也 明史天文志○按此與後漢書微異今從明史

十二宮黃道經度 鶉火柳宿一五度少弱星宿一二十度少弱鶉尾張宿一初度半強

黃道緯度 柳南極一十二度半弱星南二十度半弱張南二十六度少弱 赤道經

度 鶉火柳一百二十四度半強星一百三十度少強鶉尾張一百四十三度少弱 赤道緯

度 柳北極七度弱星南七度弱張南一十二度半 赤道宿度 周天三百六十度每度六十分

黃道同○柳一十二度零四分星五度四十八分張一十七度一十九分 黃道宿度 柳一十六

洛陽縣志 卷之一 天文 六

度零六分星八度二十三 赤道交宮宿度 張六度五分張一十八度零四分 十一分入

鶉尾黃道交宮宿度 星七度五十一分入鶉尾○十二度之名見于爾雅曰降婁大梁實

沈鶉火鶉尾壽星大火析木星紀元楊淑嘗宮有一

定之宿宿有長居之宮唐以後始用歲差然宮與星

仍不易西洋之法以中氣過宮如日躔冬至即為星

紀宮之類而值星既有歲進之差于是宮無定宿而

宿可以遷居各宮其各宿交宮之黃赤道可分列也○以上俱見明徐光啟歷書

麗屬 此通豫州以為言因分野而連類及之但紀其概于躔次繫應不復載入者以地屬公同

事願曠遠非邑乘所能覲列也

鎮星主嵩山豫州 天文 填星主中國周三河 明天正論古今星

釋五行木曰歲星火曰熒惑土曰鎮星金曰太白水曰辰星五方木東火南金西水北土中央舊志三河

天地之中其位屬土故鎮星主之○中興天文志曰  
靜也五星之行鎮星最遲二十九年而一周天故曰  
爲鎮也亦作填星荊州占填星出東方三百三十日  
而夕伏西方三百三十日而復晨見東方歲填一星  
故謂之  
填星

豫州屬上台 天中記○漢天文志魁下六星兩兩而比  
者曰三台晉志六星西近文昌二星曰上

台次二星曰中台東二星曰下台史記台作能按上  
台二星起文昌下距北星去極八十三度入柳宿七  
度中台二星對軒轅距北星去極四十二度入張宿  
三度下台二星抵太微垣距北星去極五十一度入  
翼宿二度一日秦階天之三階又秦階六符謂六星  
之符驗也今西歷上台二星外增一星中台二星外  
增六星下台  
二星並屬張

豫州屬搖光 賈公彥疏○春秋運斗樞北斗七星一天  
樞二璇三機四權五衡六開陽七搖光搖

洛陽縣志 卷之一 天文 七

光亦作馨光去極三十五度入角宿五度一日部星  
一日應星一日招搖文耀鉤曰外方熊耳以東至泗  
水陪尾豫  
州屬杓星

瑤光月主之豫州屬焉 皇甫謐帝  
王世紀

招搖主周 圖書編卦配坤乙禽位天芮天禽門應死門  
地分周襄故河南三河之俗多忠良少奸詐

然美惡亦相  
半文武兼資

鉤鈴星別爲豫州 春秋元命包○星釋二小星在房陰  
道之東北距南星去極一百九度半

入房宿二度半鈴一作鈴星經二星去房宿七寸  
第一名天鍵二名天管籥今西歷鉤鈴作一星

天市垣二十二星東西各十一星其西垣第七星曰周

宋兩朝天文志○  
今西歷外增四星



元枵之次女宿其屬十二國有十六星其星有變各以

其國越東二星曰周星經○今西歷件一星

占候

占星觀變紀載笈如錄其于本郡邑有驗者以後鑿前可資考覽其不列之祥異者祥異

廣羅禎孽此則專取天官家言也○讖緯之學盛行于漢後代占考多半因之至宋而傳會迎

合浸失其義馬端臨氏已言之矣自後史家亦不詳誌占驗故茲所採止此非有依據不敢以

應見妄為之說也

嵩高三河之郊氣正赤史記天官書

周雲如車輪晉書天文志

柳星張三宿為三月昏星正月在辰至十二月在卯明章

洛陽縣志

卷之一 天文

八

漢圖書編二十八宿逐月昏中位次

柳八星十四度土星也其北六尺為日月五星中道甘

氏云主飲食倉庫酒醕之位明大則人豐酒食搖動

則大人酒死失色則天下不安饑饉流于道路不過

三年必應張衡云柳為天之廚宰主尚食和滋味史

記天官書柳為鳥注主木草孫炎曰注作喙朱鳥之

口柳其星聚也以注為柳星故主草木隋志云又主

雷雨主木功星明大臣鎮重國安廚食具注瘞首王

命興輔佐出星直則天下謀伐其主就聚則兵鬪國

門 酒旗三星在軒轅右角之南酒官之旗也主宴  
享飲食五星守酒旗天下大酺有酒肉財物之賜爵  
及宗室

星七星七度水星也一曰火星北上十尺爲日月五星

中道甘氏云主后妃御女之位亦爲賢士失色芒動  
則后妃死賢士誅明大則道化成國盛邠萌云七星

明則象麻熟成張衡云星爲文明之會主衣裳文繡

周禮烏禋七旒以  
象鶉火謂七星也

天官書七星頸爲員官主急事隋

志云主兵守盜賊故欲明明則主道昌暗則賢良不

洛陽縣志

卷之一 天文

九

用天下空天子疾動則兵起離則易政日食兵饑婦  
人災木犯人安火犯旱金土水犯俱災月暈孛犯兵  
起 軒轅十七星在七星北黃帝之神黃龍之體也  
後宮之象后妃之主主女職也一曰東陵一曰權星  
主雷雨之神南大星女主也次北一星夫人也屏也  
上將也次北一星妃也次將也其次諸星皆次妃之  
屬也女主南小星女御也左一星少民少后宗也右  
一星太民太后宗也張衡云陰陽交合盛爲雷激爲  
電和爲雨怒爲風亂爲霧凝爲霜散爲露聚爲雲立



爲虹蜺離爲背番分爲抱珥此乃十四變皆軒轅主  
之亦猶土之無定位而金木水火賴以成歟其星欲  
小而黃明則吉移徙則國人流逆東西角張而振后  
敗水火金守之女主惡也漢注曰軒轅爲權太微爲  
衡月五星守犯者如衡占 丙平四星在中台南耀  
之北平罪之官也明則刑罰平暗則否 酒旗南三  
星曰天相丞相之象也其占與相星略同 天稷五  
星在七星南主農正也取乎百穀之長以爲其號明  
大則歲大豐不明則儉不見則人相食

張六星十七度火星也其北十三尺爲日月五星中道  
甘氏云主天廟明堂御史之位若明大國則盛強失  
色宗廟不安明堂宮廢天宮書張素爲廚主觴客石  
氏讚云張主賜客賓主嬉故近少微禮義時隋志云  
主珍寶宗廟所用及衣服又主天廚飲食賞賚之事  
星明則王者行五禮得天之中動則賞賚離徙天下  
有逆人就聚有兵金火守之有兵起或云主貢物色  
細無光王者少子孫日食虧修禮也月食大滂魚行  
人道火孛犯兵起土水犯國不寧 張南十四星曰

天廟天子祖廟也客星守之祠官有憂其占與虛梁  
同 長垣四星在少微南主界域及胡夷火守之胡  
人入中國太白入之九卿謀反 天尊一星貴戚之  
宦 少微四星在太微西南北列士大夫之位也一  
名處士亦天子副主或曰博士官一曰主衛掖門南  
第一星爲處士第二星爲議士第三星爲博士第四  
星爲大夫明大而黃則賢士舉月五星犯守之處士  
女主憂宰相易又曰少微師保也無微不諫

以上三條彙纂

象緯考

洛陽縣志

卷之一 天文

十一

周

武王伐殷歲在鶉火歲之所在則我有周之分野也

周語

○按漢書天文歲星所在國不可伐可以伐人

武王至鄴之明年歲星順行

與日合於柳留於張

史程

歲弃其次而旅于明年之次以害鳥帑周楚惡之

左襄十八

年神竈云云杜注歲星弃星紀之次客在元枵歲星所在其國有福失次于北禍衝在南南爲朱鳥鳥尾日帑鶉火鶉尾周楚之分故周王楚子受其咎此論歲星過次也

漢 已下俱本各代正史及宋馬端臨文獻通考不復詳識所出

景帝元年七月乙丑金木水三合于張

呂氏春秋與喪改立三合



張周地今之河南也又為楚其三年吳楚膠西膠南  
淄川濟南趙七國反遣大將軍周亞夫等戍止河南  
以候吳楚之  
微遂敗之

王莽僭號地皇三年十一月有星孛于張東南行五日

不見孛之為言所以除穢而布新也張為周地星孛于張東南行即翼軫之分翼軫為楚是周楚地

將有兵亂後一年正月光武起兵舂陵會下江新市  
賊張卬王常及更始之兵亦至俱攻破南陽斬莽前  
隊大夫甄阜屬正梁邱賜等殺其士眾數萬人更始  
為天子都雒陽西入長安敗死光武與於河北復都  
雒陽居周地際穢布  
新之象。互見祥異

光武建武三年五月乙卯晦日有食之在柳十四度

南也時光武在洛陽赤眉降  
賊樊崇謀作亂發覺伏誅  
十年十二月己亥大流

洛陽縣志 卷之一 天文 三

星如缶出柳西南行入軫且滅時分為十餘如遺火

狀須更有聲隱隱如雷柳為周軫秦蜀流星貴使星大者使大星小者使小大流

星出柳入軫者是大使從周入蜀是時帝使大司馬  
吳漢擊蜀殺公孫述是大將出伐殺之應也其如遺  
火分為十餘是小將相隨之象有  
聲如雷隱隱者兵將怒之徵也 二十二年五月乙

未晦日食在柳七度柳京都宿為上倉祭祀穀也近輿鬼輿鬼為宗廟十九年中有

司請立近帝四廟以祭之有詔廟處所未定且就高  
廟禘祭之至此三年遂不立廟有簡墮心故示象也

三十一年五月癸酉晦日食在柳五度自二十一年示象至此十

年後二年晏駕

明帝永平八年六月長星出柳張三十七度犯軒轅刺

天船陵太微氣至上階凡見五十六日去柳周地歲多雨水

郡十四 十六年五月戊午晦日食在柳十五度儒說五月

傷稼 戊午猶十一月甲子也又宿 十八年六月己未彗星

在京都其占重後二年晏駕 出張長三尺轉在郎將南入太微皆屬張張周地為東都太微

天子廷彗星犯之為兵 喪其八月壬子帝崩

和帝永元四年六月戊戌朔日食在七星二度主衣裳又日行

近軒轅左角為太后族是月十九日上免太后兄竇 憲等官。按二年九月金犯軒轅占曰女主失勢亦

竇氏 應之

安帝永寧元年七月乙酉朔日食在張十五度石氏占日食

洛陽縣志 卷之一 天文

三

張天子 失禮

順帝永建二年六月丁巳彗星見東方西南指營室及

墳墓星丁丑在奎一度癸未昏見西北歷昴畢甲申

在東井遂歷輿鬼柳七星張光炎及三台至軒轅中

滅張為周滅于軒轅中為後官其後懿獻后以憂死梁氏被誅是其應也餘詳後漢書

桓帝永壽三年閏月庚辰晦日食在七星二度古同和帝永元

四年後二歲梁皇 后崩冀兄弟被誅 嘉熹元年五月丙戌晦日食在柳

七度 梁冀別傳常侍徐璜白言臣見術家常言漢死 在戌亥今太歲在丙戌五月丙戌日食柳宿

雀漢家之貴國宿分周地今京師是也 重規輕璜召太史陳瑗詰問乃以實對冀恐



諱發其短  
收殺獄中

靈帝光和三年冬彗星出狼弧東行至于張乃去

張乃去周地

彗星犯之為兵亂後四年京師大發兵擊黃巾賊

### 三國魏

文帝黃初六年十月乙未有星孛于少微歷軒轅

占為兵喪

除舊布新之象時帝軍廣陵明年五月崩

少帝正始六年八月戊午彗星見七星長二尺色白進

至張積二十三日滅

占為兵喪。按明帝景初二年八月彗星見張占同

### 晉

### 洛陽縣志

#### 卷之一 天文

古

武帝咸寧五年三月星孛于柳

占曰外臣陵主柳又三河分野明年吳亡入洛

是其應也

穆帝永和十二年七月丁卯太白犯鎮星在柳

占曰周地有大

兵其年桓温伐苻健退因破姚襄于伊水定周地

### 北魏

孝文帝太和十七年二月庚戌火土合於室

室星先王所以制宮

廟也熒惑天視填為司空聚而謀之其相室之兆也是歲九月議遷都冬十月詔繕洛陽官明年徙都之

宣武帝永平元年六月庚辰太白歲星合於柳

柳為周分占

有內兵以賊諸侯

四年正月戊戌有流星起張西南行殷殷

有聲入參而滅張河南之分延昌四年閏十月有大

奔星起七星南流色正赤光明燭地尾長丈餘歷南

河至東井七星河南之分流星出之有兵起施及東井將以水禍終之

唐

僖宗文德元年八月歲星鎮星太白聚于張占曰內外

內河東地

五代梁

太祖乾化二年四月壬申彗出張此為兵喪之兆張為

都洛陽是年為子友珪所弒

洛陽縣志

卷之一 天文

五

五代漢

高祖天福十二年六月鎮星太白歲星熒惑聚于張占

有帝王興于周者高祖起義自平陽趨洛以應之及隱帝將嗣位又封周王暨周太祖登位以姬姓之後

復繼宗周天人

宋

真宗景德四年七月五星當聚鶉火既而近太陽同時

伏占曰猶臣五年四月丙辰客星出軒轅前星西北

大如桃速如矢經軒轅大星入太微垣掩右執法犯

次將歷屏星西北凡七十五日入濁沒占曰周維之分大臣變



英宗治平二年四月戊子金犯土在張五度占曰太子不安周分

有八月己亥火犯木躔柳七度半占曰秦分有兵謀亦為赦令按今柳

七度乃在周分

神宗熙寧十年正月丙寅月食子之三刻在張度中至

丑三刻復主后有變周地貴人卒死及大戰拔城

徽宗宣和元年三月丁卯星出柳如孟東北急流入太

微垣赤黃有尾迹照地明主多雨水一曰周分憂兵起外國或有急使

高宗紹興十九年七月丁未金木水合于張占其分國內外有兵

災民饑敗立王侯是歲完顏亮弒其主亶而自立

洛陽縣志 卷之一 天文 六

孝宗隆興元年七月壬寅熒惑辰星合于柳占周分赤地千里又

為饑有覆軍殺將在秋為兵乾道九年三月辛丑火

或大旱是年有宿離之敗木合于柳四月乙丑火木合于星占皆云為內亂臣有謀又云當其野

早以饑亡

元

順帝至正十六年八月彗星出張宿色青白指西南長

尺餘至十二月朔始滅時河南賊數渡河焚掠州縣帝乃遣兵分戍河南諸路

明

莊烈帝崇禎十三年黑雲壓洛城東門占曰主城破

國朝

重修洛陽縣志卷之一終

卷之一 天文

志



重修洛陽縣志卷之二

武進龔崧林塵園編次

地理 疆域 形勝 沿革 建都 分封 城池

署廨 潢武塲 倉庾 坊表 驛舖 戍埃

關津 橋梁 里保 恩普堂 養濟院

育嬰堂 監獄 風俗 物產

體國經野自昔重之禹貢分州必有山川定其疆界

後世罷侯置守郡邑屢更不能僅以山川紀者勢也

洛雖一邑自周公卜宅紱代以來為大都會說者謂

中夏闔閩四方所輻湊亮哉形勝未湮沿革可考攝

官者俾又於茲覽古者核實於茲志地理

洛陽縣志 卷之二 地理

疆域

洛陽河南河南府附郭邑 難 東西濶七十里南北長

一百二十里東至偃師縣界義井舖三十五里至偃

師縣七十里西至新安縣界磁澗三十五里至新安

縣七十里南至汝州界汝店溝九十里至汝州一百

六十里北至孟津縣界孟庄三十里東北至孟津縣

界大坡口四十五里至孟津縣五十里東南至偃師

縣界翟鎮四十里至登封縣一百二十里西南至宜

陽縣界延秋四十里至宜陽縣七十里龍門山南西

南路至嵩縣界審灣六十五里至嵩縣一百六十里  
西北至孟津縣界洪水鎮四十里東至河南省城開  
封府四百二十里東北至

京師一千八百里

形勝

散見各卷中  
者茲不贅述

南望三塗北望嶽鄙顧詹有河粵詹洛伊

見史記周紀  
又見逸周書

文稍異○互  
見沿革表

周公將致政乃作大邑成周于土中城

方千七百二十丈郭方七百里南繫于洛水北因于

邾山以爲天下之大濼

見逸周書

周公營邑於土中大司

洛陽縣志

卷之二 地理

二

徒之職曰天地之所合也四時之所交也風雨之所

資也陰陽之所和也

見周禮註互詳圖  
考土圭測景圖

中州含靈外

制八輔

見張衡  
靈憲

平夷洞達萬方輻湊

見班固  
東都賦

帶河沂

洛圖書之淵同上沂洛背河左伊右瀍西阻九阿東門

於旋盟津達其後大谷通其前迴行道乎伊闕邪徑

捷乎輟轅

見張衡  
東京賦

左據成臯右阻澗池前嚮嵩高後

界大河

見漢書翼奉疏○按  
張賦翼疏俱指下都

洛邑土中朝貢道均

見唐

書太 宗紀 洛邑天地之中

見宋地理志

周在中樞西阻嶠谷東

望荆山南面少室北有大嶽三河之分風雨所起四



險之國見張華博物志虎牢東鎮函谷西封伊闕扁其南大

河環其北天心地膽之中陰陽風氣之會四通八達

之所聲名文物之區見邑人陳心傳疏

八景附詳見圖考及藝文各卷中茲祇列其目云

金谷春晴 天津曉月 銅駝暮雨 洛浦秋風

馬寺鐘聲 龍門山色 平泉朝遊 卽山晚眺

新增十二景附

東城桃李 西苑池塘 石林雲霽 伊沼荷香

午橋碧草 瀍壑朱櫻 天壇倒影 翟水斜瀠

洛陽縣志 卷之二 地理 三

臺榭紫鳳 峪吼青牛 飛仙洞古 憩鶴巖幽

沿革表

總部 郡 縣

唐 虞 豫州

夏 豫州 有夏之居 有洛之表

禹貢荆河 惟豫州孔 安國曰西 南至荆山 北距河水 史記周本 紀武王曰 自洛汭延 于伊瀆居 易無固其 有夏之居 徐廣曰夏 居河南初 後漢書郡國志 河南註云太康 畋于有洛之 表今河之南

商

豫州

爾雅河南曰豫州郭璞註自南河至漢水又云此蓋殷制

在陽城後居陽翟按陽城在今登封縣距洛陽不遠應隸畿內

王城

後漢書郡國志雒陽註云狄泉本殷之墓地

下都

因

洛誥我乃卜澗水東灑水西惟洛食是為王城我亦卜灑水東亦惟洛食是為下都○按王城即今縣治鄭元詩譜云周公攝政五年成王宅洛邑使召公先相宅既成謂之王城一曰東都

平王自鎬京東遷建都於此史記周紀武王所云南望三塗北望嶽鄙顧常有河粵洛伊無

周

豫州

周禮夏官職方氏河

卷之二地理

南曰豫州其川滎洛註云洛水在今洛陽縣

洛陽縣志



洛陽縣志

卷之二

地理



遠天室營周居於洛邑而後去卽此左傳武王克商遷九鼎於洛邑亦謂此又曰郊鄆王城北枕邙山故名左傳成王定鼎郊鄆卽此○下都一曰成周謂周道成於此也卽漢洛陽縣成王遷殷頑民居之一曰東郊書稱君陳尹東郊卽此在今縣治東一曰東周平王元年自宗周遷

五

都王城謂王城爲東周宗周爲西周敬王避子朝之難徙居成周至貞定王二十八年封弟揭於王城以續周公之職又以王城爲西周茲爲東周考王十五

年封少子般於鞏以奉王祀鞏對成周爲東西成周對鞏爲東西周對王城爲東周詳見呂成公大事記○又王城下都統曰周

戰國

秦

漢

洛陽縣志

東漢

按戰國韓  
侵周地尤  
多

三川郡

史記秦紀  
莊襄王元  
年置三川  
郡韋昭云  
有河洛伊  
故曰三川

河南郡

漢書高帝  
紀二年置  
河南郡又  
地理志註  
故秦三川  
郡高帝更  
名○縣二  
十二治洛  
陽

卷之二 地理

南周公治陝以  
東謂此又王城  
下都俱在洛水  
之陽故名洛陽

河南

置縣之始

洛陽

六

卽下都○析  
秦河南縣置

河南

卽王  
城

河南尹

後漢書郡  
國志世祖  
都雒陽建  
武十五年  
改曰河南  
尹○縣二

雒陽

顏師古漢書註  
魚豢云漢火行  
忌水故去水加  
隹則光武以後  
改也



三國魏

司州部

河南郡

洛陽

十一治同河南  
前漢亦曰  
東都曰  
東京

後漢書郡國志  
雒陽註云古之  
周南今之雒陽  
河南註云太康  
畋於有洛之南  
表今河之南

省河南縣入洛陽  
○魏畧云詔以漢火行忌水去水加佳魏行次為土土得水而流水得土而柔故仍除佳加水變雒為洛

洛陽縣志

卷之二 地理

七

晉

司州部

河南尹

洛陽

晉以都此仍東漢改郡為尹治亦同○懷

永嘉五年劉曜王彌入洛陽帝蒙塵于平陽

河南

帝永嘉六年劉曜改司州為荊州設刺史領河南太守鎮洛陽

東晉

北河南郡

洛陽

晉書孝武帝紀太元十年立後

自明帝太寧三年至穆帝永和七年屬石趙以洛陽為南都白

宋  
洛陽縣志

卷之二 地理

河南郡

洛陽

入

北朝時晉  
宋僑置北  
州於南魏  
亦遙置南  
州於北

永和八年至穆  
帝興寧三年仍  
屬東晉自興寧  
三年至帝奕太  
和四年屬慕容  
燕自太和四年  
至孝武帝太元  
十年屬苻秦自  
太元十年至安  
帝隆安三年復  
屬東晉自隆安  
三年至安帝義  
熙十二年屬姚  
秦自義熙後復  
屬東  
晉

晉末稍復  
秦豫州之  
南境宋初  
置河南郡  
尋失  
於魏

河南郡

洛陽 寄治

僑置寄治  
雍州部新  
野

北河南郡

河南 寄治

明帝泰始  
末僑置寄  
治雍州  
部襄陽



齊 梁 陳

多與宋同  
不復備載

後魏

司州部

河南尹

洛陽

明元帝改  
洛州領郡  
六後孝文  
帝自平城  
徙都於洛  
仍為司州

孝文帝太  
和十九年  
遷都洛陽  
詔以洛陽  
為東京改  
郡為尹治

東魏

洛州部

洛陽郡

洛陽

孝靜帝天  
平初復改

孝靜帝天  
平初置

屬洛  
陽郡

洛陽縣志

卷之二 地理

九

司州為洛  
州治洛陽

河南郡

宜遷

屬河南郡孝靜  
以徙都鄴改河  
南縣曰  
宜遷

後周

東京

河南郡

河南

宣帝大象  
元年起洛  
陽官稱

移相州六  
府於洛置  
洛州

革宜遷復故名  
以洛陽省入

東京

總管

隋

豫州部

河南郡洛州河南

洛陽

隋書煬帝  
紀大業五  
年改東京  
為東都

領縣十治  
洛陽隋書  
地理志云

開皇初廢東魏  
所置郡縣并

唐

洛陽縣志

河南道

卷之二 地理

河南府河南郡河南

赤

十

太宗三年分天下為十道二曰河南道元宗開元二十一年析為十五道以河南汝州為都畿道

○隋曰東都唐初廢都復為洛州置都督府高宗復為東都武后替號遷都洛陽改為神都中

元年改周六府置東京尚書省尋廢洛州總管置河南道行臺三年以洛州刺史領總監十四年於金墉城置總監○隋初罷郡置州後復以州改郡故州郡並錄云

伊川縣大業初併入洛陽又廢省河南縣徙洛陽縣治於道光坊在王城即今縣治○大業雜記云洛陽縣在德茂里河南縣在政化里

洛陽赤

按武后垂拱四年析河南洛陽置永昌縣永昌元年更河南為合宮縣長安二年省永昌中宗神龍元年復曰河南二年又曰合宮睿宗即位復故名○又武后天授三年析洛陽永昌置永庭縣長安二年省中宗神龍五年更洛陽曰永昌睿宗即位復

按武后垂拱四年析河南洛陽置永昌縣永昌元年更河南為合宮縣長安二年省永昌中宗神龍元年復曰河南二年又曰合宮睿宗即位復



宗神龍元年復日東都

五代梁

西都

河南府

河南

洛陽

五代史梁升汴州為開封府建為東都以唐東都為西都

後唐

東都

河南府

河南

洛陽縣志

卷之二地理

土

莊宗滅梁復汴州為宣武軍以洛京為東都

洛陽

晉漢周西京

河南府

河南

洛陽

升汴州為東京以洛為西京

宋

京西北路

河南府

河南

洛陽

太祖都汴曰東京以河南府為西京仁宗

神宗熙寧五年省洛陽入河南

故名○據舊志太宗平鄭廢東京都復為洛州置河南洛陽二縣高宗永隆初省河南元宗仍置二縣昭宗龍紀元年併入洛陽

分爲京西北路

哲宗元祐二年復置

金

南京路

金昌府

河南

金主珣徙都於汴爲南京又爲中京

置德昌軍以河南府爲金昌府

洛陽

爲中京

爲金昌府

廢帝正隆元年省河南入洛陽

元

河南江北大道河南路總管府洛陽

按元初建中書省十一

二洛陽屬河南行省

又分二道二曰

河南江北道洛陽屬

洛陽縣志

卷之二地理

主

明

河南布政使司河南府

洛陽

洪武初兼置河南衛

光宗泰昌初避諱改洛爲雒

本朝

河南布政使司河南府

洛陽

順治中併衛入縣

改雒爲洛

建都

祇載興亡始末其都洛之君年號世次散見各卷中不復詳列

周武王至於周營周居於維邑而後去

成王在豐使召公復營洛邑如武王之意周公復卜

申視卒營築居九鼎焉



平王元年遷都於洛邑是爲東周歷桓王以下至赧  
王亡於秦

漢五年高祖過洛陽欲定都因婁敬張良言西都長安  
以洛陽爲東都

東漢世祖建武元年十月入洛陽遂定都焉歷明帝以  
下至獻帝亡於魏

魏文帝五都

洛陽譙許昌長安鄴

並建卒遷洛陽歷明帝以下至

陳留王亡於晉

晉武帝都洛陽傳惠帝懷帝愍帝是爲西晉愍帝立於

洛陽縣志

卷之二

地理

三

長安

後魏孝文帝太和十九年自平城遷都洛陽歷宣武以  
下至孝靜帝遷於鄴爲東魏

隋煬帝大業元年大營洛城謂之新都五年詔改後周  
東京爲東都後恭帝二年爲王世充所弑隋亡

唐太宗貞觀四年詔發卒修洛陽宮以張元素諫罷之  
後屢行幸高宗咸慶二年以洛陽爲東都嘗謂韋機

曰兩京朕東西二宅往來不恒宜善修建武后始

遷都洛陽號爲神都昭宗天祐元年爲朱全忠遷

於洛尋被弑

五代梁太祖篡唐卽位大梁開平三年遷都洛陽爲鄴  
王友珪所弑均王友貞誅友珪復於大梁卽位

五代唐莊宗都洛陽稱洛京歷明宗愍帝廢帝亡於石

晉

宋太祖建隆元年都汴開封府爲東京以洛陽爲西京

初太祖幸洛陽欲留都焉以晉王光義言非便乃還

汴

竊據

洛陽縣志

卷之二 地理

十四

周王子頹惠王弟與其師爲國等五大夫因蘇氏以伐  
王不克蘇子奉以奔衛衛帥南燕師伐周立子頹王  
處於櫟後鄭伯虢叔納王同伐王城殺子頹及五大  
夫

王子叔帶襄王弟欲與狄伐周王知之將誅叔帶叔  
帶奔齊旣而王召叔帶歸會王廢狄后狄人奉叔帶  
攻王王出居鄭狄人立叔帶居温晉文公帥諸侯圍  
温殺叔帶逆王歸周

王子朝景王庶長子有寵於王王與其傅賓起謀立



之王田北山使公卿皆從將殺單旗劉盆王有心疾  
崩於榮錡氏單旗等立王子猛攻資起殺之子朝因  
舊官百工之喪職秩者帥郊要餞三邑之甲以逐劉  
盆盆奔楊猛卒諸大夫奉王猛母弟丐爲王王居於  
狄泉在成周東北晉范獻子以師及劉單之師進攻子朝  
克之子朝奔楚王入於王城

隋李密初依翟讓作亂讓等推密爲主建號魏公由洛  
口進逼東都據金墉城後爲王世充所敗降於唐

王世充奉煬帝命率兵至東都拒李密及帝凶問至  
洛陽縣志

卷之二

地理

五

奉越王侗卽位已而白稱鄭帝旋弒侗唐秦王世民  
擊之世充降

梁郢王友珪朱溫子弒溫卽位於洛改元鳳歷旋爲均  
王友貞所殺

分封

周桓公考王弟名揭考王封之於王城以續周公之官  
職桓公生威公威公生惠公惠公少子班別封於鞏  
是爲東周惠公班之兄仍襲父爵居王城是爲西周

武公

秦呂不韋陽翟大賈也莊襄王以為丞相封文信侯

河南洛陽十萬戶秦王如十年就國河南以嫪毐事

飲酖死

漢申陽瑕邱人先下河南郡迎楚河上項羽分韓地立

為河南王都洛陽漢元年四月就國二年冬十月漢

王如陝申陽迎降置河南郡

周子南君嘉武帝元鼎四年封史記周紀贊天子將封泰山東巡狩至河

南求周苗裔封其後嘉三十里地號曰周子南君瓚曰子南氏而君稱也按漢置河南郡治洛陽此云至

河南封周後周故都洛則封地宜在洛陽故載此以俟考他若有封而無地如後代河南王河南公河南

洛陽縣志

卷之二 地理

夫

侯之屬祇係賜爵槩不復載

明伊厲王儉太祖第二十五子建文三年封永樂六年

就藩河南府歷簡王安王定王莊王敬王敬王子典

槩襲封以罪廢國除簡王第二子分封光陽王無子

除安王第二子分封方城王傳六世以福王就國遷

汝州安王第三子分封西鄂王傳一世無子除敬王

第二子分封萬安王奉伊王祀傳三世以福王就國

遷永寧闖賊李自成破城遇害典槩第二子封安樂

王典槩廢革爵無子除



福恭王常洵神宗第三子萬歷二十九年封四十二年就藩河南府崇禎十四年闖賊李自成陷洛遇害世子德昌王由崧出奔是爲宏光二子潁上王由棨與王同遇害於洛按福府卽襄伊府之舊而拓之燬於兵火今府署多其故址

城池

縣城卽周王城詳沿革表○古洛陽城在今縣東四十里晉陸機洛陽記云洛陽城周公所制

東西十里南北十三里城上百步一樓櫓外有溝渠又云城內西北角有金墉城歷兩漢魏晉後魏縣城之隋煬帝大業元年建東都大城周廻七十三里一

因元梁立隋唐洛陽朝市百五十步西距圖考云西距悉作西占王城東越灑

洛陽縣志

卷之二

地理

七

澗時渥澗二水俱引注古洛陽故云東越北踰谷水時谷水由王城宮北引入古洛陽

城東西五里二百步南北七里東西各兩重南北三

重南臨洛水四面開十門詳見古蹟部移縣治光通坊唐

穆宗長慶二年增築大城仍建十門門名各異見古蹟部唐末

殘廢周世宗顯德元年命留守武行德葺之宋仁宗

景祐元年王曾判府改築卽今城方之周都縮五之四

占隋唐一隅耳金元俱仍舊制歷代土垣明洪武初

置河南衛六年衛使陸齡砌以磚石高四丈基廣如

之環城鑿壕計城四圍八里三百四十五步壕深五

丈濶三丈減門爲四東建春西麗景南長夏北安善  
上建重樓外築月城又構角樓四敵臺三十有九成  
化弘治間指揮張傑王臣相繼葺治正德六年羣盜  
猖獗中州戒嚴知府劉鑑督役濬壕深如舊濶倍之  
又引瀝水入壕築堰以資防禦七年三月寇至  
爲壕阻引去嗣是增修俱失考萬歷初守道楊俊民  
委縣衛重葺改西門額東長春西瑞光南薰風北拱  
辰日久傾圮崇禎四年知縣楊四重謀於紳士捐三  
千金委庠生張秉厚董役修復歷二年餘工竣而流

洛陽縣志 卷之二 地理

大

寇至後先窺城者四迄不克繼任劉宏緒於壕邊增  
築攔馬土墻一匝高一丈周一千五百六十八丈五  
尺濬疏間口復引瀝水入壕知府王孕長以寇屢薄  
城闢廂罹害與宏緒議於郭外築土城一座延袤三  
十三里居民賴之闔寇陷洛屠民平城土城一時並  
毀

本朝順治二年守道趙文蔚草創修築僅完西面六年知  
府金本重捐俸倡修輦明福藩廢府磚甃甃砌佐之  
三面俱完四門四維建八樓堅聳視昔有加康熙



十四年知府趙于京知縣吳徽重修南門月城建樓於上又改東門額曰迎恩四十六年署府趙光榮修東門建城樓額曰萬安修北門建城樓額曰長慶雍正六年知府張漢知縣王箴與修南門額曰望塗

署解

南察院在城西南隅今爲學政試士之所正堂五間捲棚五間正堂左右耳房共十六間東西考棚共二十間正堂後川堂三間上房五間西廂大書房三間東

洛陽縣志

卷之二 地理

九

廂房二間西廂小房四間書吏房十一間廚房二間在川堂東門房一間上廚房三間在川堂西儀門一間東西角門各一間大門三間官廳三間在大門西東西鼓樓各一座買辦房三間在東鼓樓後雜事房三間在西鼓樓後聽差房一間茶房一間在西鼓樓北東西轅門各一座

知縣王箴與建有碑記

乾隆八年知縣龔

崧林重修

後察院在城西北隅三皇廟西今廢

東察院凡三所俱在東關今廢

中察院在十字街東道北久廢今改建龍王廟

分守道署在城西南隅康熙六年裁缺後改都司署今

為叅將署前明道署在  
西門內道北

府署自秦置郡後徙置不一隋先在古洛陽大業後移

宣範里在今縣治洛水南歷唐宋俱因之金徙水北

元正隆元年兵部尙書孔彥舟兼河南路總管葺治

府署頗稱巨構堂名第一取吳公治行天下第一之

義通判廳  
龍有記後有古梅六株河南路總管劉構堂

於此以為名元進士熊正德明知府虞廷璽俱有  
記崇禎年知府尹明翼泥形家

洛陽縣志 卷之二 地理 三

言佚之勝 譙樓三楹在臺門上並開二門東為府門  
西門失考今為城守

營火 明時額曰天中勝概字丈八尺餘闖寇亂俱燬

於火僅存元時瑞麥額隋唐朝市圖及戒石碑

本朝初於城西南隅寄治民舍康熙二十八年知府汪楫

移駐東北隅舊提督府在明福籓廢府內順治間  
設提督府康熙七年裁缺

名仍曰第一

同知署順治十六年  
裁缺署廢

通判署在城西北隅舊府署西乾隆九年奉  
文移駐  
嵩縣伏牛山孫家店鎮

推官署在城西北隅三皇廟西康熙六年  
裁缺署廢



教授署在城東南隅府學明倫堂後

訓導署在城東南隅府學宮西

經歷署在城東北隅府署東

知事署

缺裁  
無考

照磨署

康熙四十年  
裁缺署廢

稅課大使署在城西北隅府常平倉前

即舊照  
磨廢署

豐濟倉大使署

缺裁  
失考

司獄司署

缺裁  
無考

縣署舊在成周漢魏晉後魏悉因之隋大業初徙置漚

洛陽縣志

卷之二 地理

三

水西道光一作光通坊唐宋金元至明悉因之萬歷四十

二年修建福府移城東北隅迎恩巷之北正堂五楹

額曰太徽堂左右庫房二間甬道左吏戶禮右兵刑

工諸房各九間儀門三楹東西角門各一間左右糧

房十二間大門建重樓左申明亭右旌善亭堂後為

內署迤東為幕廳縣丞署在東主簿署在西典史署

在主簿署後大門內東為寅賓館又東為土地祠明

末燬於兵火

本朝順治七年知縣武攀龍闢除舊基前後建堂凡九楹

歷任知縣後先補葺至乾隆八年知縣龔崧林重修計大堂五間堂前

聖諭坊一座庫房一間在大堂左糧房三間在庫房南左

右皂隸房六間甬道左右六房共三十三間儀門三

間左右角門各一間大門三間

原一間康熙五十七年知縣曾汝為擴為

三大門內迤東寅賓館三間門樓一座土地祠三間

拜殿三間大門一間在寅賓館東又東為馬號馬王

廟三間拜殿三間馬棚二十間小房十間皂隸軍牢

轎夫班房各二間捕役班房三間俱在大門內小夫

洛陽縣志

卷之二

地理

三

班房一間在儀門內馬快民壯班房各三間在大門

外左右馬快房別有馬王廟民壯房別有土地祠外

屏一座濶三丈高二丈大堂後宅門內閃堂一座二

堂五間門房三間二堂後上房五間左右廂房六間

後上房四間樓一座

康熙四十年知縣錢肇修建

二堂西南花亭

一座

知縣錢肇修署曰竟可亭

乾隆八年知縣龔崧林重修改題

飲和亭亭後增修左廊五間日光霽軒增修西書房

三間曰靜香齋又西書房三間又四間後書房三間

箭廳一座豆穀廩房三間東住房七間後書房三間



厨房五間茶房二間

縣丞署舊在縣署東今在城東北隅府署西

主簿署舊在縣署西

本朝未設署廢

教諭署在城東北隅府署東

訓導署在城東北隅府署西

典史署舊在縣署西今在城東北隅清涼寺西

叅將署在城西南隅

卽舊分守道署後爲都司署雍正三年改河南營都司爲叅將

守備署在城東北隅府署西

把總署在守備署東

洛陽縣志

卷之二

地理

三

河南衛在舊府治東明洪武初設領千戶所七屯軍二

千名有儀衛司中護衛軍器局及軍屯三十三處

本朝順治十六年併衛入縣故地俱廢

譙樓 附

重樓三間前在縣大街十字口萬歷間建福府移置東

門內大街順治十三年知府甯之鳳知縣葉琪修乾

隆十年知府曹元仁知縣龔松林重修

演武場

演武場在南門外關廟東南濶長丈數有碑記之臺基

高五尺上建前堂三間後堂三間舊爲河南衛指揮使練軍之所今學政試武生寧城守營操演兵卒俱

糧焉  
倉廩

新建倉在城東北隅縣署後康熙四十四年奉 文截

留開歸彰衛懷河汝七府州四十三年漕穀肆拾陸萬石河南府貯一半建廩房八十一座計貯穀貳拾叁萬伍千陸百捌拾壹石陸斗壹升叁合玖勺壹抄康熙六十年將穀碾米運陝西訖後續買貯穀柒萬柒千陸百石零向係府縣兼管雍正五年督院田牌飭本府專管各廩口鑰匙申送府庫并將前撫鹿批兼管之案銷毀訖

府常平倉在城西北隅今併貯新建倉

常平倉在縣署西康熙四十二年重修廩房三十六間共貯穀壹萬貳千伍百貳拾伍石陸斗貳升康熙五十四年 奏准部咨將翟鎮義倉穀壹拾捌石陸斗捌升延秋社倉穀壹拾壹石壹斗叁升龍門社倉穀壹拾石肆斗叁升附入常平倉積穀案內奏報雍正



元年洛邑被荒城關八路稽查饑民共壹萬叁千捌百叁拾戶大小肆萬貳千伍百捌拾叁口賑穀陸千玖百壹拾伍石雍正四年遵

旨具奏案內添買監穀叁千陸百貳拾叁石雍正十一年二年欽奉

上諭案內知縣伍青蓮收捐穀伍千餘石雍正七年知縣王箴輿增厥四間雍正十一年奉撥府新建倉廩房四十間前後共廩房八十間歷年收息連採買並原貯共穀壹萬玖千餘石乾隆八年洛邑被荒知縣龔崧林詳報請賑共賑過穀壹萬貳千捌百玖拾玖石零

洛陽縣志

卷之二 地理

五

知縣龔崧林辦賑條議附錄於後

一查造應賑戶口宜令地方官親身料理也查被災村庄居民貧富不等其家有蓋藏以及手藝生理并各衙門胥役皆不得濫行給賑而不法鄉保庄頭每多通同捏冒今應請令印官攜帶牌甲案冊親臨各該村庄逐戶挨查將無地無力實在家少儲蓄并地僅十數畝被傷無餘生

計蕭條饑殍莫繼窮民分別極貧次貧查明大口若干小口若干據實登造賑冊仍與牌甲冊查對是否相符每查完一村庄卽將應賑人戶大小名口結一總數以杜胥役受賄增改如被災地方四散分布仍須縣佐教職典史等官分赴協查卽將牌甲案冊移委遵照一體辦理仍將分查處所起止日期於查造賑冊完竣之日先行報明如有冒濫遺漏及聽從鄉保庄頭開報草率從事以致實在窮民不得沾沐

洛陽縣志

卷之二

地理

三

聖恩一經察出或被告發卽嚴揭叅究

一散賑照票宜卽於察造戶口之時官自給發也  
查凡應賑戶口必先給印票以杜臨時冒領但恐假手胥役鄉保庄頭致滋需索應令地方官預備連環印票分寫執照存照字樣中間編號鈐印每一百張釘作一束酌量分帶赴各村庄於查明應賑戶口之時一面登寫草冊一面將票一併填寫將執照截發該戶收執其存照一張留作票根以便稽查仍諭各戶俟散賑之日



親身執票赴廠支領其老弱病廢艱於步履及  
或寡居婦女家無丁男者許親族兩隣稟明代  
爲領給

一聞賑歸來之戶宜准查明一體賑恤也查各州  
縣被災村庄或有一等素無田地窮民爲人作  
活因本處備值者少他往謀生今聞開賑隨復  
歸來應請令該地方官曉諭鄉保庄頭遇有先  
經外出今聞賑歸來之戶卽行據實舉報立即  
查明大小名口一面造冊申詳一體賑恤不得  
置之不顧致有向隅之泣若並非乏食貧民間  
賑歸來捏名冒濫一經查出嚴揭叅處

一散賑宜令遵例就近設廠以免飢民跋涉道途  
也查乾隆二年閏九月內奉准 戶部咨粘單  
內開嗣後凡遇賑濟於城中設廠散賑之外再  
於東西南北離城二三十里鄉村地方擇廟宇  
之高大者預將米穀運送分貯仍先擬定散賑  
日期出示曉諭臨時親往散給等因應請令該  
地方官遵照除於城倉設廠外再酌量應賑村

庄道里遠近各處飢民日可往返適中處所分設賑廠預將應需穀石運貯并將某某村庄定於某日在某處廠內散賑緣由先行出示曉諭周知以便領賑其運穀腳價應照遵

旨議奏事

案內議定成規陸路車載每石按每里給銀捌毫水路船運每石按每里給銀捌絲該地方官照數墊發事竣造冊報銷於司庫存公銀內動支給還毋許賒欠短少如有借端派累里民等弊卽嚴揭叅究

洛陽縣志

卷之二 地理

三

一賑濟口糧宜照例分別大小名口動用銀穀兼賑也查賑濟貧民向例按每大口每月給穀叁斗小口減半報銷有案今應令各地方官將應賑窮民按每大口每月給穀叁斗小口給穀壹斗伍升先儘常平義社倉穀動支如不敷用再動用漕穀倘漕穀亦不敷用仍照往例動地丁銀兩搭放務期災黎均沾實惠至若加賑事完屆麥熟之期尙遠仍應於青黃不接之際糶借兼施俟麥收之日停止如果倉貯無備卽預爲



詳明就近動撥別屬倉糧以資接濟其需用運費照各廠運穀腳價一例請銷

一貧乏生員宜令教官查報酌量賑恤也查乾隆三年五月內奉准 部咨欽奉

上諭嗣後凡遇地方賑貸之時飭令教官將貧生等名籍開送地方官核實詳報視人數多寡卽於存公項內酌撥銀米移貯本學教官均勻散給資其饑粥如教官開報不實給散不均及爲吏胥中飽者交督撫學政稽查卽以不職叅治等因欽

洛陽縣志

卷之二

地理

五

遵在案應令該地方官移會教官查明被災各村庄實在貧生戶口開冊送該州縣核實詳報視其人數多寡酌量請動公項按加賑月分照依往例每名每月支銀伍錢移學散給以資饑粥如有徇情冒濫或將實在貧生遺漏以及需索扣剋等弊立卽揭叅究處

一查賑放賑官役及攢造冊票紙張宜給盤費飯食價值也查乾隆元年七月內奉准 部咨欽

奉

上諭嗣後遇地方賑貸之時水旱等災一勿

及造冊紙張各費俱酌量酌以官公銀兩

絲毫派與地方等因欽遵在案本司酌議

災州縣及委用正印並通判以上養廉原

裕毋庸再給盤費其佐雜教職等官每員按

日給盤費壹錢正印官隨帶承書一名跟役二

名佐雜教職每員隨帶承書一名跟役一名均

按每日每名給飯食銀叁分造冊紙張按每壹

千戶給價銀陸分肆釐賑票紙張按每壹千戶

各陽縣志

卷之二 地理

辛

給價銀捌分肆釐繕寫冊籍按每壹千戶給飯

食銀叁分其承書跟役毋論查賑放賑一例開

支放賑時每廠用搬量斗級二名每名按日亦

給飯食銀叁分其委用候補之員本無養廉且

有隨侍家人每員按每日給盤費銀貳錢其應

需承書跟役令各該州縣撥給照前開支飯食

事竣統於司庫存公耗銀內支銷倘有指稱盤

纏冊費等項名色派累需索等弊立即嚴揭叅

處倍追給還



一隣省回籍之民宜稽察資送也查豫省地上寬  
濶從前多有直隸山東江南湖廣等省失業窮  
民携妻帶子來豫就食卽豐收之年倏往倏來  
歲以爲常今各州縣被旱歉收其中不無欲歸  
本籍就食者若聽其扶老携幼路費無資難免  
流離失所殊堪憫惻應令各地方官查明如有  
此項種地農民欲歸原籍就食者卽訊明籍貫  
住址照資送流民之例賞給路費每大口日給  
錢貳拾文小口給錢拾文按站接替件送回籍  
其不願歸籍者聽其自便仍將資送過名口數  
目造冊請銷

以上各條乃查辦賑務之大略至斟酌盡善尤  
在承辦各官隨時隨地調劑得宜總期實在乏  
食黎庶得沾恩澤以仰副  
皇上惠鮮懷保拯濟民艱之至意方爲無忝厥職是否允  
洽擬合備悉具詳

社倉雍正四年知縣郭朝鼎奉 文設立一十四座共  
貯穀壹萬伍千伍百肆拾肆石伍斗玖升零

在城社倉

龍王廟西

貯穀貳千壹百柒石陸斗柒升零

四關社倉

在東關文昌祠

貯穀壹千柒百貳拾柒石玖斗零

升零

正東路白馬寺社倉貯穀柒百肆拾壹石柒斗叁升

零

正西路谷水社倉貯穀柒百柒拾玖石柒斗叁升零

正南路關墓社倉貯穀玖百貳拾貳石陸斗玖升零

正南路彭婆社倉貯穀貳千貳百伍拾陸石陸斗陸

升零

洛陽縣志

卷之二

地理

三

正北路上清宮社倉貯穀壹千貳石陸斗柒升零

東北路象庄社倉貯穀玖百捌拾伍石伍斗伍升零

東南路潘家寨社倉貯穀捌百陸拾貳石叁斗捌升

零

東南路李村社倉貯穀捌百捌拾叁石肆斗壹升零

西南路延秋社倉貯穀捌百肆拾壹石捌斗肆升零

西南路豐李社倉貯穀捌百捌拾壹石壹斗叁升零

西南路府店社倉貯穀陸百捌拾肆石玖斗捌升零

西北路聖王廟社倉貯穀捌百柒拾柒石伍斗貳升



零

預備倉在西門內後改曰豐濟倉

寄倉乾隆五年知縣朱永慶奉 文設立四十一座五

年六年貯穀壹千貳百叁拾貳石壹斗貳升息穀壹

百陸拾貳石玖斗陸升零乾隆九年奉 文裁汰發

給本戶

軍儲倉在舊河南衛後以貯屯田籽粒今廢

營倉乾隆二年八月內河南營於河北鎮標領生息銀

陸百捌拾叁兩壹錢買貯穀石春借以濟兵食俟麥

洛陽縣志

卷之二

地理

三

後陸續扣銀糴穀還倉以備永遠接濟

坊表

以類分列凡建自本朝者詳誌年月地址若前代所建止載姓氏或地址其年月失考

不復誌云

崇德

德配天地道冠古今坊

府文廟前康熙四十五年建

修文坊

縣學東

景賢

坊

伊洛淵源坊

為宋程顥程頤張載邵雍司馬光呂希哲邵伯溫張繹尹焯朱棧呂

本中李籲孟厚邵溥明曹端閻禹錫白良輔劉健尤時熙孟化鯉董堯封王邦瑞

孝行御史坊

為閻禹錫

達尊坊

為劉健

明神

玉帝廟坊

城西北隅

忠昭日月坊

昭代褒封坊

俱城西北隅關廟前

春秋閣坊

北關雍正二年建

縣城隍廟坊

縣大門內雍正十一年建

官治

聖諭坊

縣大堂前雍正十三年建

漢太守吳公祠坊

今失考

強項侯董公

坊

東門內

玉尺量材水壺校士坊

南察院前雍正七年建

澄清坊

前

夾輔雄藩坊

舊福府前

紫薇行省坊

保义坊

激揚坊

俱舊守道前

保釐千里表帥二南坊

府署前康熙四十五年建

龍門在望

坊

府大堂前雍正二年建

治平坊

承流坊

宣化坊

俱府治前 修政

坊

府治東

崇教坊

府治西

忠愛坊

府治正中

道洽東郊化行南國

洛陽縣志

卷之二 地理

善

坊

中州保障坊

俱縣前

歸德坊

縣治東

宣化坊

縣治西

天邑

坊

縣前

銅駝坊

東關

中州溼橋坊

東關

古迎恩巷坊

縣前

洛陽坊

東關西

周南驛坊

舊伊府東

運運所坊

東關

稅課司坊

東關 豐濟

倉坊

舊守道前

惠民藥局坊

府治前

仕宦

學士坊

少傅坊

太保坊

柱國太師清朝存問坊

俱為劉健

尚書坊

天官少宰坊

撫綏三省坊

恩光二

世坊

俱為沈應時

黃門清要坊

三世尚書坊

兩朝存問

坊

俱為孫應奎

四世承恩坊

都憲坊

俱為吳瀚

父子上卿坊



瀚吳 三樂 恩光世錫坊 清朝特典坊 冬省亞卿坊 俱為董堯

對 特簡銓樞坊 大司馬坊 俱為王 秋卿坊 為王 文宗

坊 大廷尉坊 大銀臺坊 俱為吳 銀臺特典坊 為劉

都憲坊 有三為畢亨 豸繡坊 為潘 都諫坊 有二為蔣 司

諫坊 為侯 黃門坊 有三為趙旭 烏府清風坊 為李 柱史

坊 有二為溫 繡衣坊 有十一為曹鑑 鄭韜 趙琰 張忠 房

簡張 清要傳芳坊 為王 清階接武奕葉傳芳坊 為主事

文 知溫秀 參議溫如 春御史溫如璋 總憲三秦坊 為張 方岳承恩坊 為楊

督兵五鎮鎮命三朝坊 為徐 地官坊 有二為李 地官大

洛陽縣志 卷之二 地理 五

夫坊 為李 夏官坊 為李 司馬坊 為路 冬官坊 為朱 京兆

坊 有三為畢亨 上林坊 為李 錫籠坊 為董 光裕坊 有二

天敘 孫玘 恩光坊 為李 顯親坊 為江 錦衣坊 有二為李 珍高厚

科名

世科坊 有六為杜整 杜綱 閻端 閻禹 錫 閻茂 張 威 張 珍

元魁濟美坊 為楊巍 楊歸 儒 接武坊 有二為史 科第傳

芳坊 為李興 父子濟美坊 為劉贊 濟美坊 為子 進士傳

家坊 為畢亨 聯第世家坊 為張 兄弟齊鳴坊 為李 天倫

秩 天敘 兄弟聯芳坊 有二為劉登庸 劉奮 聯芳坊 有二為李 張

澄張瀾潘 雙璧坊 為翟瑄 三桂坊 為張畫張瀾張浦 四賢坊 為

靖已丑陳大壯 彙征泰運坊 為嘉靖癸丑温如春董堯封陳麟方時學戴冕史官

進士坊 有四十二為蔣義曹鑑辛民高瞻曹博霍敬柴璉趙禮趙琰楊銘張忠房威畢亨劉清吳庚紀

達劉健潘瑄邢琬翟瑄翟瑛翟廷蕙李釗喬縉史簡侯明張文劉樂翟銓侯宜正孫鳳路直王騰蔡復元王傳

朱用吳三樂方時學 元魁坊 為嘉靖戊子陳大壯張汝董繼祖孫蘭徐守謙

豫陳 河洛元魁坊 為嘉靖甲午吳三樂朱用李大有之本劉濟民韓維翰孟鎰 七曜合

璧坊 為嘉靖丁酉王西星王世光喬岱張松胡宗儒 附鳳翼坊 為嘉靖乙卯楊

士廉周自任王訪劉澤深 瀛洲俊選坊 為嘉靖戊午劉奮庸楊歸儒劉

孫黃郭襟楊松董用威 風雲際會坊 為嘉靖辛酉鄧鶴張曉肖馬時徐學古

洛陽縣志 卷之二 地理 美

羣哲徵庸坊 為嘉靖甲子來必上袁桂恭于孟陽趙永祿劉若水張懋德 紀元登雋

坊 為隆慶丁卯温源王職青鼎張國紀孫蘭劉萃陳東阜張其化 庚午元魁坊 為隆慶庚午劉

慎李生芳董繼祖劉 龍飛籲俊坊 為萬歷癸酉任啟元王正修朱寶徐紹稷

澤演王居仁王堯相 許世貴李希閔方誠許源高汝登 昭代人龍

兩河髦士坊 為萬歷戊子孫拱宸李從元莊仁民葉逢春翟濟遠秦道顯

坊 為萬歷辛卯何篋牛從極張仰樞高位苟虞龍王佐才張世英陳新政張麟鳴潘雲 崧岳鍾英

坊 為壬午楊世法 中原麟瑞坊 為乙酉馬河 天中人傑坊

為已卯江 解元坊 有六為辛民董恂成儀閻端房威任啟元 亞元坊 有三為

禮陳 經元坊 有為焦福喬 經魁坊 有三為薛雄 亞魁



坊為路登雲坊有二為王 鷓鴣運坊為武 蕙英坊為劉

衢坊為喬 折桂坊有三為史儀 登科坊為王 騰霄坊為李

鵬搏坊為武 攀蟾坊為路 附鳳坊為賈 凌雲坊為孫

步雲坊為李 登瀛坊為李 秋香坊為賀 攀桂坊有二為

安奎光坊有二為許 起鳳坊有二為王 冲霄坊為于

達坊為張 鳳翥坊為李 儒英坊為李 奪錦坊為曹 騰蛟

坊為俞 舉人坊為張 京闈坊為許 鄉貢進士坊為孟 武

秀坊為李

旌褒

洛陽縣志

卷之二 地理

三

孝行坊為章 光褒潛德坊為于 義士坊為許 義民坊有

美李滄

嘉禎坊為蔡昇妻 綸音旌節坊為姬仁 貞節坊有五十

忠妻張氏曹昂妻張氏董安妻王氏董雄妻匡氏劉傑

妻賈氏杜正大一作夫妻陸氏李時行妻劉氏吳瀛妻

氏吳本妻李氏劉大業妻荀氏郭留妻孫氏葉儒妻

陳氏孫祿妻馮氏王銓妻孟氏董涿妻李氏王盤妻唐

氏孫國儒妻劉氏楊璟妻馬氏李保兒妻牛氏莊昇妻

沈氏曹興妻龐氏任彰妻氏徐觀光妻鄧氏尚鑑妻

錢氏王守身妻尤氏韓鍾岳妻朱氏王好仁妻謝氏李

樹勳妻劉氏白應冬妻張氏張文政妻秦氏孫政妻周

氏任忠妻李氏李孕祥妻秦氏李可實妻魏氏劉九宮

妻賈氏黃時泰妻任氏邵府妻朱氏郭遵化妻朱氏青

遂妻邢氏王天民妻曹氏齊鳳時妻孫氏任破元妻許

氏魏光祥妻史氏范引妻閻氏劉玉鑑妻尤氏傅國英

妻王氏張鰲吸妻翟氏王之鈔妻朱氏高子坤妻司氏  
温廷梅妻李氏沈天祿妻金氏畢承祖妻邢氏呂鄉妻  
牛氏王國柄妻郭氏張懋忠妻陳氏秦名卿妻潘  
氏熊健妻宋氏劉若淵妻葉氏張以謙妻程氏 節孝

祠坊 城東南隅府學東王貞節坊 府學西南和巷街康  
虛觀西雍正五年建 熙三年建為劉可大

妻魏旌表節烈三沐天寵坊 城西北隅神州廟西康熙  
二十六年建為舉人董維

翰妻旌節坊 有二十五 康熙五十七年建為  
葉氏 范九玉妻康氏城西北隅大關帝廟東雍

正九年建為張景齡妻韓氏 雍正十二年旌  
為殷長祚妻裴氏城東北隅縣署西乾隆四年建為秦

偉妻王氏東南路李村西街乾隆四年建為董九苞妻  
劉氏城東南隅和巷街乾隆五年建為莊景輝妻董氏

東南路官家窰乾隆五年建為宮瓊區妻谷氏南關東  
街乾隆六年建為傅養賢妻劉氏東門內強項侯祠西

乾隆七年建為郭致大妻鄧氏十字街北乾隆九年建  
為郭允紓妻孫氏城東北隅縣署南乾隆九年建為張

洛陽縣志 卷之二 地理 三

于默妻徐氏正南路胡家寨乾隆九年建為胡顯令妻  
張氏南關鎖市灣乾隆九年建為王錫爵妻張氏正南

路天王院乾隆九年建為王宏毅妻胡氏西南路益坡  
村乾隆九年建為朱麟妻馬氏城西北隅三皇廟西乾

隆九年建為王愷妻李氏城西南隅叅府署後乾隆九  
年建為郭繼曾妻何氏東南路李村西街乾隆九年建

為苗穉妻孫氏城西北隅觀音寺東乾隆九年建為廖  
爾濟妻堂氏南關小石橋西乾隆九年建為裴汝翼妻

王氏正南路胡家寨乾隆九年建為胡敬聖妻王氏西  
門內木植市乾隆九年建為邢儻妻李氏東南路郭家

寨乾隆九年建為郭贊妻胡氏東關灑東書院東乾隆  
九年建為陳謙妻徐氏 乾隆八年旌為魏繼

珍妻梁氏餘詳旌者  
俱見列女侯建坊補入

驛舖

周南驛舊在縣治東南後改置南門內驛丞一員原額



銀捌千伍百柒拾伍兩貳錢伍分原額馬貳百捌匹  
騾叁拾肆頭

本朝額存驛馬柒拾捌匹夫馬工料等項共支解銀伍千  
貳百貳拾兩柒錢除支解外餘剩銀壹千壹百柒拾  
兩捌錢壹分壹釐貳毫撥協澗池縣蠡城義昌二驛  
驛丞缺裁本縣兼管康熙二十四年知縣佟學翰移  
置縣署東偏驛馬柒拾陸匹每匹日支草料銀伍分  
原額並無增減塘馬貳匹本縣捐備馬夫叁拾捌名  
馬牌子壹名探馬夫貳名走遞公文馬夫壹名每名  
日支工食銀肆分伍釐

洛陽縣志

卷之二

地理

三

遞運所舊設東關夾馬營東二隆岡大使一員原額牛  
站銀肆千貳百壹拾伍兩原額所夫壹百捌拾名今  
在東門外迤北壕西大使缺裁本縣經管額設損輻  
夫捌拾壹名每名日支工食銀肆分伍釐雍正三年  
前撫石 題奏裁四存六止養肆拾捌名其餘叁拾  
叁名工食銀兩每年扣貯縣庫應付勘合下剩俟次  
年奏銷後具文起解

南薰館在南門外貼郭巷

俗名鐵鍋巷

西前明設此以待過

客今廢

總舖在府署前

通偃師縣正東路史家灣舖去縣十里白馬寺舖二十里

通新安縣正西路七里河舖去縣十里谷水舖二十里

通汝州正南路古城舖去縣十里鑿庄舖二十里草店舖三十里

彭婆舖四十里申家舖五十里梁店舖六十里白沙舖七十里

通孟津縣東北路忠孝舖去縣十里鷓店舖二十里鳳凰臺舖

三十里青塚舖四十里

通登封縣東南路桃園舖去縣十里潘家寨舖二十里黃家庄

各陽縣志 卷之二 地理 早

舖三十里翟鎮舖四十里

通宜陽縣西南路三山舖去縣二十里新店舖三十里沙河舖

四十里

通嵩縣龍門山南西南路郭家寨舖去縣三十里閔店舖四十里

里南庄舖五十里府店舖六十里

戍墩

正東路白馬寺墩臺營房一座

正西路七里河 谷水鎮各一座

東北路十里舖 鷓店鎮 三十里舖共三座



每處營房十一間大門一間周圍墻垣三十四丈墩臺

高一丈七尺基濶一丈五尺頂寬一丈一尺上建望

樓臺旁告示房一間烟墩五座木坊一座乾隆六年

署本縣事偃師縣知縣朱續志奉文建修

正南路龍門鎮墩臺營房一座 彭婆鎮 白沙鎮各

一座

東南路翟鎮一座

每處營房八間烟墩三座大門墩臺望樓告示房木坊

同上乾隆九年知縣龔崧林捐修

洛陽縣志

卷之二

地理

聖

通計河南營分防墩臺馬步兵四十七名內馬兵九名

守兵三十八名

關津

伊闕關 在縣正南 龍泉關 在縣南 康家庄 水泉關 在縣東南 橋保即古大

關

洛水津 在縣南 郭外 龍門津 即闕塞伊水舊設水夫二 名夏舟冬橋與洛水同 委粟

津 相傳在縣北舊誌云 疑在縣東委粟山下 鐵器街渡口 在縣東 南五里 桃園渡口

在縣東 南七里 白廟渡口 在縣東 南十里 棗園渡口 在縣東南 二十五里 龍虎灘

渡口 在縣東南 三十里 三山渡口 在縣西南 十五里 貢庄渡口 在縣西 南十里

里○自鉄器街至在縣東南司馬庄渡口二十五里棘針渡口在縣東南

在縣東南二十五里下庄渡口在縣東南石壩渡口在縣東南

家庄渡口在縣東南前三渡口在縣東南高家崖渡口在縣東南

在縣東南四十五里○白司以上諸渡俱係夏舟冬橋

### 橋梁

廣濟橋在縣東門外湮水上舊為木橋明知府劉本始

嘉靖中邑司禮監黃錫重修在縣東南仁惠橋嘉靖中守道耿公

重修亦曰耿公橋俗名大石橋康熙五十六年三空橋在北關

在北關明嘉靖二十四年邑人潘仁建史公橋城壕康

## 浮陽縣志 卷之二 地理 星

熙五十二年監七里橋在縣西七里澗水上明正統十

靖三十四年伊王妃方氏增修橋旁石壩萬洛水正南

渡口岔河橋乾隆七年監牛高鼎輔沈如桐董冕吏員

二龍橋在縣東十五里雍正七年山西澤州府商鐵器

街岔河橋在縣東南五里乾隆八玉仙橋在縣東南二

庄雍正三年庄民尙棗園渡口橋在縣東南二十五里

王可選建又捐設渡船置地南廣濟橋龍門東順治中

陰家溝橋縣南六十七里梁店村太平橋在縣南六

槐樹頭橋在縣西南三十里雍正

磨保

四年



自閔店至

羅家村諸橋

在縣西南五十里俱監蓋董嘉修同子有驕捐修

王

公橋

在縣西南六十里窰灣萬歷中知縣王洪顯建

龍門曲河橋

里八翟國林建

里保

東南隅三里

每里十甲

西南隅二里

東北隅三里

西北

隅三里

東關四里

西關一里

南關二里

舊誌不載北關

今仍

正東路李密保二里

正西路谷水保四里

正

南路彭婆保三里

范村保三里

姬磨保二里

府

店保二里

正北路上店保四里

東北路平樂保三

里 鳳凰保四里

東南路陳昌保六里

康庄保三

洛陽縣志

卷之二

地理

星

里 碑樓保六里

建春保三里

偏橋保五里 水

南保二里

西北路杜村保二里

金水保二里 西

南路東侯保四里

西侯保三里

延秋保三里 唐

庄保二里

通縣共捌拾陸里柴百伍拾壹村庄叁萬玖千柒

百叁拾貳戶丁男拾萬捌千玖百玖拾肆名婦

女捌萬壹千捌百陸拾捌口共鄉總捌拾玖名

保長三百玖名

城中東南隅曰十字街無量殿街府學門街御路街三

府街簾子衙衙二簾衙衙人和巷廣平街豆腐巷孟家坑草場街

城中西南隅曰叅府街叅府後街魏家街并衙衙馬王廟東西街舊府下坡里仁巷察院街

城中東北隅曰縣後街縣東西街縣下坡義學東街經廳街西馬道三官廟街新建倉街正陽門東華門西華門猪市府後街老集

城中西北隅曰玉皇廟街同王街吳家街丁家街水陸街小街倉口街馬道甕城街觀音寺街三皇廟街香

洛陽縣志

卷之二 地理

四

行街舊府街衛口街旗纛廟街

東關曰新街小石橋鴨子嘴大石橋東街魁樓東街火燒街夾馬營後窰街八空窰街祖師廟後街支廟東西街石堰頭街大銅駝巷小銅駝巷問禮街花園街西關曰三聖堂街馬尾巷菜園街城壕堰塩店口荆笆街萬順街

南關曰南門口街貼郭巷驛市街小石橋街馬市街校場街袁衙衙花園街紙房街園地街雷家口飲馬衙衙鎖匙灣尙家庄閻家街蘇家衙衙



北關曰北門口街三空橋街黃家圪墻街西溝街北郭  
緊貼卬山故地甚窄

正東路五里塔兒灣又五里史家灣三里陳村五里楊  
村三里孫家村二里黑王村四里分金溝又四里東  
園村三里白馬寺五里金村有集村南五里龍虎灘  
北一里李密城三里韓旗屯二里寺裏碑二里義井  
舖接偃師縣界

正西路五里五門屯三里谷園村又三里乾溝五里七  
里河又五里符家屯六里崔庄三里李村六里小園  
馬溝五里尤家溝二里王禱河接新安縣界

正南路三里安樂窩二里望城崗五里董家庄八里王  
家圪墻四里中午橋四里二郎廟三里豆腐店五里  
關陵有集又五里太平庄五里龍門鎮有集三里草  
店五里高屯三里彭婆鎮有集五里申家舖又五里  
銀張寨六里韋村五里水寨又五里吉磨五里土門  
五里胡家寨五里白沙鎮有集八里下磨又八里程  
庄有集五里竇村有集五里茹店接汝州伊陽縣界

正北路四里上灤河三里馬家灣又三里盤龍塚六里  
豬龍嘴四里徐村又四里前海資三里後海資有集  
五里姚凹五里馬步五里朱家庄五里陳家庄五里  
陳家溝五里上店接孟津縣界

東北路五里堂寺門六里冒郭三里楊村五里解家坡  
又五里董村四里孔家寨三里潘村三里大里王又  
三里小王村五里朱村八里周村五里下黃村十里  
平樂有集五里象庄有集五里山嶺又五里三十里  
舖七里新庄三里張盤村五里李家窰接孟津縣界

洛陽縣志

卷之二 地理

巽

西北路二里方庄五里苗溝六里營庄十二里塚頭村  
有集六里水泉十里新車院又十里常袋五里井庄  
接新安縣界自水泉至井庄地爲伊洛之衝並有集  
市

東南路三里鉄器街二里李家樓有集七里石人村有  
集五里霹靂庄三里潘家寨有集五里大王廟十里  
相公庄八里翟鎮有集六里關庄八里佃庄有集五  
里東石橋十里柿園四里龐村有集五里楊灣十里  
司馬庄有集十里庄裡寨五里李村又五里武家屯



五里寇店岔有集市五里八羊坂又五里楊鉄河五里宿駕庄五里水口接登封縣界

西南三路上路五里下池又五里興隆寨五里三山村五里苗家灣八里劉家溝四里桑園二里新店有集五里白家營八里柳巷五里延秋鎮有集接宜陽縣界中路十里焦家屯二里劉墳有集十里新庄五里短李村又五里霍家屯八里黃家屯十里梁家屯有集八里軍屯七里豐李有集又七里負庄有集七里漫劉十里井家村三里楊家庄接宜陽縣界下路三十里魏灣五里郭家寨五里槐樹村有集十里窰底有集四里浥澗五里府店有集八里姚灣五里康庄又五里鴨嶺村五里柿樹凹接嵩縣界

四郊村落稽之戶籍有七百餘所今僅載通衢要津餘不瑣志

洛陽縣志

卷之二

地理

四

風俗

洛邑居天地之中土厚水深民淳俗茂猶有東京之遺風焉但閱時既久隨俗間有轉移

故援古証今為二例記之

吳公子札聘魯使工為之歌周南召南曰美哉始基之

矣猶未也然勤而不怨矣

左傳

周人之俗治產業力工商

逐什二以為務

史記蘇秦傳

周人既織而師史尤甚轉轂以

百數賈郡國無所不至洛陽街居在齊秦楚趙之中貧

人學事富家相矜以久賈數過邑不入門

貨殖傳

周人之

失巧偽趨利貴財賤義高富下貧喜為商賈不好仕宦

前漢書地理志

豫州按禹貢為荆河之地周禮河南曰豫州豫

洛陽縣志

卷之二 地理

四八

者舒也言稟中河之氣性理安舒也

晉書地理志

豫之言舒

也言稟平和之氣性理安舒也

隋書地理志○按晉作中河隋作平和兩存之

其俗尚商賈機巧成俗

同上

民性安舒而多衣冠舊族然

土地褊薄迫於營養

宋地理志

自唐李之亂土著者寡太宗

遷晉雲朔之民於京洛等地墾田頗廣民多致富亦由

儉嗇而然乎

同上

士嚮詩書民習禮義務本立業有周召

遺風

宋志表

郁郁荆河

豫州箴○註謂豫本成周故都故其風俗文采

周之政寬

故其俗和柔而寬緩

山堂考索

洛中舊俗燕私相聚尚齒

尚官

司馬溫公光緒

忠義疊見

宋邵氏見聞錄

性行淳樸不事華



洛陽之俗大抵好花春時城中無貴賤皆插花雖負擔

者亦然花開時士庶競為遊遨往往於古寺廢宅有池

臺處為市井張幄鬻笙歌之聲相聞花落乃罷歐陽文忠公修

牡丹花福天下有九福洛陽為一撲蝶會春日賞花梨花花見陶穀清異錄聯撲蝶會

洗粧梨花開時携酒玩賞言為梨花洗粧洛水修禊魏晉時盛行之皆仿周公泛羽觴意歲

節正旦造絲雞鴨燕粉荔子正月十五日造火蛾兒食玉梁饌寒食裝萬花與煮楊花粥端午未羹艾酒以

花絲樓臺插鬘贈遺辟温扇七夕乞巧使蜘蛛結萬字

造明星酒裝同心膾重陽迎涼贈羊肝餅佩瘦木符冬

至煎錫綠珠戴一陽巾除夜銅刀刻門理小兒視燃水盆燈臘日造脂花餞見金門茂節放燈上元以影

燈多者為上其相勝之詞曰千影萬影又各家造芋郎

君食之宜男女仍各送雞肉酒用六木餅貯之於親知門前留地而去見燈影記

近代風俗

冠禮久廢惟女將嫁行冠笄禮

婚禮納承問名統以送啟報啟世家大族延族戚中望重者為賓將主命小姪以媒氏將之即致釵釵數

事或代儀數金俗名定禮亦有男家婦人親往視女俗稱相視相中即解帕與之日波汗巾○納幣請期統以

過禮將娶前數月預卜婚期將以幣帛牲醴致婚家婚家復東附以幣帛冠履雜珎脯酒果餌等物日報允俗

多於節候前數日如端午中秋重陽時舉行此禮日追節○行禮後數日姻家偕族戚詣婚家行拜祖禮畢婚

姻兄弟行交拜禮姻家內眷擇族戚婦中宜男者二人偕往携冠笄梳櫛請女室梳髮作髻加冠笄而出曰上

卷之二

地理

四九

頭近多減去俟親迎日始行上頭畢女更盛粧出拜舅姑及衆賓畢內外賓各揖讓入席飲讌盡歡而退日吃筵席近多省去惟行過禮○親迎久廢紳士秉禮者間行之餘惟具鼓樂乘轎族戚婦二人往迎日娶女客婚家亦延二婦送之曰送女客送至姻家新郎新婦拜堂合卺畢即日擇新郎昆弟中表年相若者偕新郎詣婿家拜祖廟謁外父母曰回門○三日新婦具鞋襪雜珮脯果贄見舅姑及同室尊卑是日婚家族黨各具脯一雞一或二脯詣姻家曰餽飯姻家族戚亦各具聞客之儀共集拜賀飲讌終日曰做三朝○新婦合卺後九日夫婦具酒脯詣婿家日回九日亦日回門

喪禮 學士習禮家恪奉古先不用鼓樂不修佛事終喪不御葷酒自殮迄葬一遵朱子家禮餘多從俗然竭力營喪寧厚無薄無貴賤一也至出喪演戲屢奉官禁僻鄉愚氓尚多沿行族姻賻奠者大嚼縱飲違禮殊甚輻車所過祖祭者率於道旁多結綵棚彼此角勝前夕喪家拜送酒饌親友携樽相過通背拍浮日看棚○

# 洛陽縣志

## 卷之二

地理

五

送喪至墓者率携酒盒繞墓左右布席鬪飲日墳攤喪家具酒脯徧往拜送恣意號呶甚有倚歌者尤屬惡俗○數載以來人知習禮廬墓者三許氏董氏來氏詳見人物來生居喪尤秉古禮與同志黃進士鈺劉生司直修明禮儀鄉里化之居喪茹素不作樂不作佛事者凡數十家

祭禮 祭先之禮舊姓右族一遵文公家禮春秋祭墓土庶同之春則清明前數日秋則中元前數日多有定期春則二月初秋則八月上丁前後十月一日奠餽餽湯剪紙作衣焚於門外日送寒衣大族焚家廟中歲時伏臘各祭祖考小有異同不及悉載○俗喜祀神多結里社演戲無節禳瘟禳火賀雨賀晴重疊舉行太平和樂因屬勝事但以有用之財虛靡浪擲法宜防杜俾歸省約

### 四時節禮

元旦拜年後親友累日交相邀飲日傳生酒○立春雜切生菜日春盤裹以薄餅食之日咬春前一日迎春東郊邑人傾城俱往日看春塑匠粧勾芒神像及土牛各長三寸許又以細竹葦作胎黃冠



裹之絲絲交纏曰春仗紳宦官送士民自買賣像生菴者剪五色紙爲春蝶看春人爭競鬻簪之名闍穰穰。上元放燈十四日起十七日止花燈四映絃歌沸騰遊人通宵不絕蓋仿歷代醮祭三元謂天官好樂地官好人水官好燈遺意。春日踏青。清明沿門插柳小兒簪柳枝戴柳圈前一日俗多舉葬云百五日百無禁忌。穀雨貼禁蝎符。初夏賞櫻桃。端陽日簪艾飲雄黃酒佩硃砂囊婦女戴蘭虎小兒繫五色絲佩五毒符。是日多合藥者。七夕陳瓜果祭牛女乞巧。中秋祭月供月餅瓜果。重陽登高簪茱萸採菊。十月十日前後仿古蜡祭報賽演劇。臘八日食粥雜投諸菓。二十四日送竈神供膠牙餠糖。除夕前數日互送節禮是日俗多嫁娶云諸神退位。百事無忌通夜不眠曰守歲。

開學

正月初旬遇入學日上館一日曰應好十七日就館日上學

津助

婚喪諸務有不給者折柬招親友求助曰告助亦曰津助

洛陽縣志

卷之二 地理

至

結社

婚娶不給者預約戚友醮金輪用曰喜社預備送終曰壽社

知縣龔崧林嚴禁出喪演戲示文附錄

爲嚴禁喪家演戲之惡習以正人心以厚風俗事  
父母之恩昊天罔極而先王制禮定以三年者所  
以節孝子之哀究之大孝終身孺慕無時可已於  
懷也况在服喪之內哭泣自當盡哀祭墓自當如  
禮以少報顧復之恩於萬一反是卽屬忘本之人  
人而忘本百行尙可問哉詎洛邑素號名都近日  
竟成惡習居喪者不但哀毀躑躅且於含殯之

時卜宅之際富家竟令優人演戲貧者卽覓樂人吹戲謂之鬧喪將以是慰亾靈抑以是酬親友耶如以爲慰亾靈則無此禮如以爲酬親友則非其時况絕無哀戚之情頗有忻愉之色顯以演戲爲喪家之樂鼓吹博親友之歡爲人子者情安忍乎此等類風亟宜力挽自示之後喪葬之家敢有蹈此者定將居喪之人照違制律問罪紳衿詳革治罪優人樂戶照不應重律究擬此爲人心風俗起見言出法隨斷不能少爲寬假也

洛陽縣志

卷之二 地理

五十一

物產

漆 泉 絺 紵 織 纊 磬 錯 以上豫州之貢見禹貢 其利

林漆其畜六擾 馬牛羊雞犬豕 其穀宜五種 黍稷麥菽稻見周禮職方氏 文

綾 繒 穀 絲 葛 埏埴 益 缶 苴 杞 黃

精 美菓 華 酸棗 見唐書地理志河南府土貢 蜜 蠟 磁器

見宋史地理志洛陽郡土貢

以上古紀物產因文類序不復區分下分蟲魚草木

爲一項貨幣食用雜物之屬爲一項其蟲魚草木

又各以類分列云



蟲屬

雞 鴨 烏又有白鳥 鶯別有一種不結巢 燕樓閣簷隙中入

夏方出立秋即蟄俗名厦燕或云墮地不能自飛 執而撒之始飛故名撒燕相傳唯建都處有之 雉雅

伊洛而南素質五 有九春屬夏屬秋屬冬屬桑屬棘 采皆備成章曰翬 屬行屬宵屬老屬一名戴勝亦名

啄鳩有五 雉鳩祝鳩 周屬鶉火 伯勞一名鷦俗 木鳩鳩鳩爽鳩鶉鳩鶉鶉生尤夥 鶉 鶉

鵲 鴝 鵲 隼 鵲 鶯 鴉有二白 崖雞

雀 鴛 桃蟲小鳥俗名槐串 鴛鴦 鴻鵠 鷺鷥 鳧

鶯 鶉鵠一名海河 梟 訓狐俗名杏虎 以上羽蟲

馬 羸 驢 羊 豕 犬 貓 狼 獾 狐 狸

洛陽縣志

卷之二 地理

兔 田鼠 白獺魏明帝時洛水中有數白獺帝欲見之徐景山畫版作二鱖魚懸岸

上獺遂出捕得之帝曰卿畫何其妙也 以上毛蟲

蜂有養蜂作蜜者朱貢蜜蠟 蓋取諸此今養者亦夥 蝶 蛾 蜻 蛭 螢

蝮 蜻蛉 螳螂 蝮蝮 蟻 桑扈 蜘蛛 蜈蚣

一名鼠婦 俗名濕蟲 蟪蛄俗名蟪蛄子 壁錢 宵行 蝮羸 蝮蝮 蜚

蝮 樗雞 榮蠖 蝟 蝟 蝟牛 蛙 蝦蟇 斑

毛 土鼈 蛇 蜥蜴 蝎 蚰蜒 蚊 蠅 以上

雜蟲

魚屬

鯉出洛者佳 魴出伊者佳 鯽 鯿 鰕 鱧 鱮 鱉 鱗

鱔 人魚出伊水頭尖有足能陸行音如兒啼史記註人魚即鮓 以上鱗類

蝸 鼈 蛤 螺 蝦 以上介類附

草屬

麥 稷即粟俗名小米 黍 稻出龍門南者尤佳 粱 菽外有菜豆豌豆豇豆扁豆

胡麻一名巨勝俗名芝麻 蕎麥 以上穀類

棉花俗名白花性宜山壤萬安之陰種者尤多 棠俗名好麻 紅藍俗名紅花他方種者

染色俱藍二種一名菘藍俗名大遜洛產藍一名蓼藍俗名小藍 以上棠類

芥其種不一碧囊芥俗名立芥最佳油芥種者尤多 薑近出南郭 藕龍門山南羅家村者尤佳 菘

洛陽縣志

卷之二

地理

五

俗名白菜出縣東南石堰頭者尤佳 韭 葱 蒜 秦椒 萊菔俗名蘿蔔有紅

白各 芹 苋 萵苣 萵蒿 菠菜 芫荽 茗蕘

萱花 蔓菁 薯蕷俗名山藥近種紅薯亦佳 芋 豆莢有三眉豆莢刀豆莢

線豆 茄有丁香茄一名曼羅陀 苜蓿 以上蔬類

王瓜出縣東南大屯者尤佳 南瓜即倭瓜 冬瓜 甜瓜五色俱備

即漢青門種 絲瓜 攪瓜實成開口入鹽醋以箸攪之即成細條如切故名 瓠 壺

俗名 葫蘆 以上蒞類

沙參 丹皮邠山生野牡丹處處有之 赤白芍 地黃苗懷慶所種非取邠山

根前不能肥美近城南園戶亦多種之 金銀花 甘菊花 茱萸 香附



荆芥 桔梗 兔絲子 牽牛 細辛 芫花 防

風 益母草 遠志 棗仁 何首烏 蒼朮 柴胡

地榆 杏仁 葶藶 葶藶 葶藶 地骨皮 桑白皮

艾葉 薄荷 紫蘇 天花粉 蒲公英 栝子仁

百部 大服子 小茴香 葶藶子 獨葉蓮 麻

黃 半夏 間有種者以解蠶毒 南星 同上 以上藥類

薑 一名薦荻即藜秋 蒹 荻之細者 莞 俗名水蓼

莪 薺 一名水薺 荇 藻 蘋 萍 蓮 見後 以上水草

香葛 產香山 棘 藜 蓬 蒿 莎 雀簞

洛陽縣志 卷之二 地理 五

燕麥 馬齒莧 蕓 俗名夏 菑 蓬 蒿 莎 雀簞

茅 一名黃 薺 一名馬帚俗 稗 稂 莠 莫 菅

茗 苦蕒 苦蕒 即茨 野苜蓿 野豌豆 芣苢

即車前 天茄子 野菊 黃藍二種 瓦松 一名瓦遊 蘇 一名瓦遊 茗 一名

巨 以上野草

木屬

松 身曲 柏 身直 檜 松身 栝 栝身 梓 又名楨陸璣草木疏

梓無子者為楸梓實桐皮 桐有白桐在 柳 有杞柳蒲

楊 有大葉 青棠 一名合歡一名 棠棣 赤白 榎 榆

粉椿檉桑柘楮又有穀女貞俗名冬青棟

上材木

櫻桃洛陽花木記云凡十一種有紫櫻桃臘櫻桃滑臺櫻桃朱皮櫻桃臘嘴櫻桃早櫻桃一名熟熟子吳

子千葉櫻桃近惟紫紅二種桃有三十種小桃十月

至冬方熟蟠桃一名餅子桃二色桃一枝上二色合歡二色桃一朵上二色千葉緋桃千葉碧桃千葉纏桃大

御桃金桃銀桃白桃崑崙桃慈利核桃胭脂桃白御桃旱桃油桃人桃蜜桃平頂桃胖桃紫葉大桃社桃方桃

邠州桃圃田桃紅穰利核桃光桃有二十七種粉紅又魏華林園有王母桃見伽藍記桃御李操李麝香

李北京水李珍珠李真桃李小桃李粉香李偏縫李密綠李胡天李黃甘李麥熟李棟枝李牛心李紫灰李冬

李晚李焦紅李金條李橫枝李消帶李纏枝杏有十六李漿水李憲臺李嘉慶李出嘉慶坊詳紀物杏種金杏

洛陽縣志 卷之二 地理 五

銀杏水杏香白杏纏金杏赤腋杏真大杏許赤杏大緋杏撮帶金杏晚紅杏黃杏方頭金杏千葉杏黑葉杏梅

杏有二十七種水梨紅梨兩梨濁梨鶯梨穰梨消梨乳梨袁家梨車寶梨紅鶯梨敷鶯梨大浴梨甘棠

梨紅消梨秦王捐消梨早接梨鳳西梨密指梨罨羅梨細帝罨羅棒槌梨清沙爛棠梨屋沙梨梅梨榭棹梨又

北却張公梨海石榴有九種千葉石榴粉紅石榴黃石內一樹詳紀物石榴青皮石榴朱皮石榴重臺榴木

晶石榴水晶漿榴銀含稜石榴柰有十種密柰大柰紅又白馬寺出甜榴見伽藍記柰兔須柰寒毬黃寒

毬蘋婆海紅大秋子小秋子又林檎有六種密林檎花白馬寺有七斤柰見伽藍記林檎紅林檎水林檎金

林檎轉身林柿其種不一最佳者名雁過紅出龍門山檉南南衙村者尤佳木瓜有五種山木瓜軟條木瓜

指頂名橋梁侯烏棹木瓜宣城州木瓜香木瓜榎榎之柿見潘岳閒居賦核桃文官果葡萄白者尤佳

棗其種不一伽藍記云核桃文官果葡萄白者尤佳魏園有仙人棗詳紀物



橘 柑 櫟 柚 橙

飛穰 俗名佛手 枳 俗名鐵楸

俗名 花椒 ○ 以上菓木

竹屬

甜竹 一名美人竹種出永寧嶺谷川石竹 斑竹 紫竹 箬竹 大葉俗名

東坡 鳳尾竹 細竹

花屬

牡丹 千葉黃花有姚黃勝姚黃牛家黃千心黃甘草黃丹州黃閔黃女真黃絲頭黃御袍黃小黃嬌卵心

黃太平樓閣出樣黃百兩金一尺黃天香一品天香奪翠縷金衣 千葉紅花有狀元紅魏花勝魏紅都勝紫

都勝瑞雲紅岳山紅間金紅金繫腰一捻金九萼紅劉師閣大葉壽安細葉壽安洗妝紅蹙金毬探金毬二色

洛陽縣志

卷之二 地理

五七

紅蹙金樓子碎金紅彫雲紅轉枝紅蓋圍紅越山紅樓子紫絲旋心富貴紅不暈紅壽妝紅玉盤妝雙頭紅遇

仙紅簇四簇五蓮花萼火燄奴九蕊真珠紅鶴頂紅武陵春天香獨秀漢宮春殿春芳奪元紅鰲頭紅甄家紅

楊紅花柳爭妍花紅疊翠萬卉失色萬卉含羞花紅魁勝嬌容 千葉紫花有雙頭紫左紫紫繡毬安勝紫大

宋紫順聖紫陳州紫袁家紫婆婆臺紫平頭紫紫龍杯三雲紫軍容紫真紫 千葉緋花有潛溪緋百葉仙人御

衣紅盤紫酥飛燕妝醉楊妃綠珠粉 千葉白花有玉千葉玉樓春玉蒸餅一百五月宮花水晶毬雪夫人粉

奴香水月妝萬疊雪峯玉樓觀音無瑕玉楚素君大葉玉玲瓏 多葉紅花有靛紅一名青州紅大紅濕紅承

露紅有十二個子添色紅鶴翎紅朱砂紅採紅倒暈檀心胭脂紅獻來紅賀紅大暈紅林家紅兩京強觀音紅

玉樓紅雙頭紅汝州紅獨看紅鹿胎紅綴州紅試妝紅玲瓏紅青線稜延州紅蘇家紅白馬山夾黃蕊丹州紅

柿紅唐家紅 多葉紫花有潑墨紫冠子紫葉底紫光紫段家紫銀合稜左紫之單葉者經箴紫蓮花萼長壽

紫索家紫陳川紫雙頭紫承露紫唐家紫多葉紫多  
葉黃花有絲頭黃呂黃古姚黃 多葉白花有玉酸白

玉版白 異種有歐家碧宋宣和中洛陽花工以藥壅  
培白牡丹根次年花開作淺碧色歲貢禁府價在姚黃

上墨莊漫錄云碧花止一品開最晚獨出歐氏故以姓  
著大極紅一花二色紅白各半嬌容三變初開紫色漸

變梅紅白屋出公卿綠胎白花舞青猊花中拙青翠  
羽雙翅觀音面白花中現紅色蓬萊相公紫花黃邊

藥 千葉黃花有御衣黃凌雲黃南黃樓子尹家黃樓子  
銀褐樓子表黃延壽黃破石黃新安黃壽安黃溫家

黃郭家黃青心鮑黃紅心鮑黃絲頭黃黃纈子 千葉  
紅花有紅樓子紅冠子朱砂旋心硬條旋心斑幹旋心

深紅小魏花淡紅小魏花紅纈子靈山纈子馬家紅楚  
州冠子四峰兒醉西施剪平紅茆山冠子柳圃新接紅

絲頭 千葉紫花有紫樓子龍間紫紫按子粉面紫紫  
絲頭紫纈子 千葉白花有玉樓子白纈子 千葉淺

紅有緋 桃 李 杏 櫻桃 梨 石榴 柰 林檎  
樓子

洛陽縣志 卷之二 地理 五

木瓜 梅 存六種白梅綠萼梅紅梅朱砂 蠟梅 有十  
梅千葉雪香梅千葉黃香梅 一種

冰素金蓮玉蝶虎蹄張梅消梅 瑞香 紫色本出廬 黃瑞  
蘇梅水梅春梅九月梅狗蛔梅 山宜陰翳延

香 海棠 有八種南海棠川海棠垂絲海棠俗名軟條  
杜海棠黃海棠繡緜海棠一名嬌海棠貼枝

海棠西 海石榴 散水 有千葉垂絲 玉瓏璵 真珠花

府海棠 玉屑花 錦帶花 有大錦帶 文冠花 紅龍栢 白龍

栢 紫龍栢 山茶 有紅白二色又晚 棣棠 有千葉 郁  
山茶寒食始開

李 有三千葉白郁李一名玉 櫻桃 有千葉 山桃 山木  
帶單葉郁李二色郁李 垂絲

瓜 軟條木瓜 薇 有三紅薇 千葉紅梨 又有紅木梨  
辨薇紫薇

石藍 玉拂子 木犀 木蘭 似木筆高丈餘花 木筆  
與牡丹同時發



似木蘭木極大乃有花  
正月初發亦名辛夷 紫荆 瓊花八仙之香者 八仙花

玉蝴蝶 丁香花 百結花 迎春花 金纏花 黃

雀兒 映山紅即紅躑躅 頰桐一名百日花 芙蓉亦名拒霜有千葉黃

者千葉朱槿 三春花一名長命 莎蘿花 抹厲 素馨

佛桑 夜合又有黃者 倒仙花 紅蕉 仙人耳墜一名滿堂花

連翹花 鷺鷥兒花 千葉秋花 探春紫白二種 結香

御馬鞭紅白二種 天南竹 合歡 梔子 迎春柳 迎夏

柳 檉柳 繡毬 夾竹桃單葉千二種 以上木花

薔薇有二倒提黃薔薇千葉白薔薇 刺紅 月季有五密枝月季千葉月桂黃月季川四季

洛陽縣志 卷之二 地理 五

深紅 月季 長春花 日月花 金沙有二川金沙黃金沙又有單葉金沙名水林檎

寶相有四單葉寶相千葉寶相相廬川寶相黃寶相 荼蘼又有千葉茶蘼 薔薇有五

單葉薔薇二色薔薇千葉薔薇 錦被堆黃薔薇 馬薙花 粉團兒 玫瑰又有穿心

玫瑰黃 茶梅又有千葉茶梅 減伏 木香 以上刺花

蘭出壇州者佳 秋蘭 黃蘭出嵩山 水仙一名金盞銀臺 菊有十四

單葉菊 金鈴菊 毬子菊 雞冠菊 地蒿菊 黃簇菊 柿黃菊 青心菊 葉紅菊 黃寫延子探白子五色菊 粉紅菊 千葉

大黃菊 千葉晚菊 碧菊 白菊 紫菊 一名旱蓮 六月紫菊 叙頭菊 金錢菊 一名夏菊 萬翎菊 川金錢菊 深紅色單

葉川剪金 又有萱草 有五鴛黃萱 大山萱 千葉萬壽菊 西番菊 萱 四季萱 槌萱 北極萱 金燈有紅

黃白粉紅 紅絲花 石竹花粉 石竹一名繡竹 御金花 碧紫六種

篔春亦名望仙 黃麗春 麗秋 金鳳 玉簪 紅菱

曼陀羅花有千葉有層臺 雞冠有凹矮雞冠黃雞冠白雞冠粉紅雞冠 芫花

葵有八胡蜀葵千葉紅葵千葉紫葵千葉緋葵剪金剪稜鶯黃蜀葵九心蜀葵又有向日葵 家木紅

開百餘日 鬢邊嬌 白山丹 水丹花深紅 金蓮花出嵩山頂 雲夢

花 地錦花 照天花出岷州 水牡丹 杜參花出憲州 碧

鳳花一名鴨脚 碧玉盞 紫金帶 百合有黃白二種 山薑有紅碧二

種 紫幹子 草桂 翠蜻蜓 紫蝴蝶 虞美人 剪

春羅 剪秋紗 金錢 黃棣唐 雙頭鳳 金盞

美人蕉 淡竹葉一名秋蜂 射干俗名剪子股 木芙蓉 秋茉莉

洛陽縣志 卷之二 地理 卒

馬蘭 千日紅俗名百子圖 金簪 鳳仙 滴滴金 十

樣錦 雁來紅俗名老少年 紅姑娘。以上草花

蓮有十四單葉蓮千葉紅蓮玉骨塚白樓子紅樓子碧蓮子出超化寺穿心蓮瑞蓮一名朱砂菽雙頭瑞蓮

佛頭蓮碧千葉朝日蓮李駒馬圍千葉珠子蓮銀頭蓮甘草黃 白蘋 草苻 水紅

水蓼 蘆花 慈菇。以上水花

凌霄 驕藤 雪葶花 荷葉花 千葉鼓子 牽牛

花 藤花 忍冬一名金銀花 蔦蘿 轉枝蓮。以上蔓花

菖蒲 芝茜 芭蕉 書帶草 吉祥草 藍草一名萬年

青 虎鬚草俗名繡墩草 麥冬草 翠雲草俗名象牙草 碧雲草



垂盆草 鋪地錦 蛇啣草 卷栢 仙人掌 薺荔

○以上草之以葉勝者

貨幣食用諸物

青石

出萬安山龍門山者尤佳

文石

出水

礬石

按說文礬石毒石也金吉甫曰北方大河

亦水惟洛水不冰謂之温洛一是天地之中二是其北連山以障北風三則前人謂其中有礬石

沙石

山海經云平逢之山多沙石

殷孽

礧礧石

出邙山一名薑石一云卽殷孽俗名礧礧

石

金墉城土中碎石質似瑪瑙

石灰

石炭

俗名木炭

絲 絮 俗名 絲帶

絨線

棉布

棉帶

棉線

錦

布 印花布

纓緯

巾帕

像生花

或以絨線爲之或以綉帛及通

洛陽縣志

卷之二 地理

空

草爲

酒 宋時洛陽酒名 醪

醋

醬

油

芝蔴油草蔴油菜子油椰子油紅花子油○芝

蔴油俗稱香油土產至廣鄰省資之

蜜 柿餅

柿霜

寒具

粼粼

俗名

飠餼 花米團

金餅

銀餅

餡

餻

雪糕 餈

籩餽

俗名 豆粉

利同香油業者甚衆

各種鹹菹

皮紙

麥楷紙

蠟

蠟燭

發燭

俗名

雨傘

油紙

扇 弓

箭

决

俗名 鹿角者佳

馬鞭

馬屈

皮衣

皮

靴 革囊

皮袴

皮鞵

鞍鞞鞞轡

毡帽

毡衣

毡襪 毡簞

木器 竹器 漆器 銅器 錫器 鐵器 陶器

不載

出土古器 鼎 彝 盃 洗 觚 爵 奩 鏡

印 瓶 豆 登 缶 匜 通氣甄 一名郭公甄又名琴甄俗名通

古 奇器 形如小盤長尺許濶六寸餘一角作小屋有牖外作階中卧一物形如豕平樂諸村山谷中往往得之莫名其器孟津廣文閣式鑿云

北魏時拜斗所用亦未知其何據也

洛陽縣志

卷之二 地理

壘





